

春秋權衡

上



上



春秋權衡序

劉敞原父著



劉子作春秋權衡權衡之書始出未有能讀  
者自序其首曰權準也衡平也物雖重必準於  
權權雖移必平於衡故權衡者天下之公器也所  
以使輕重無隱也所以使低昂適中也察之者  
易知執之者易從也不準則無以知輕重不平  
則輕重雖出不信也故權衡者天下之至信也  
凡議春秋亦若此矣春秋一也而傳之者三家  
是以其善惡相反其褒貶相戾則是何也非以  
其無準失輕重邪且昔者董仲舒江公劉歆之



徒常蓋相與爭此三家矣上道堯舜下格周孔  
是非之議不可勝陳至于今未決則是何也非  
以其低卬不平邪故利臆說者害公議便私  
學者妨大道此儒者之大禁也誠準之以其權  
則童子不欺平之以其衡則市人不惑今此新書  
之謂也雖然非達學通人則亦必不能觀之矣耳  
牽於所聞而目迷於所習懷恐見破之私意而  
無從善服義之公心故亦譬之權衡矣或利其  
寡而眎權如贏或利其多而眎權如縮若此者  
非權衡之過也人事之變也雖然以俟君子耳

孔子不亡乎知我者以春秋罪我者亦以春秋  
於權衡何傷哉於是卒定其書爲十七卷

春秋權衡卷第一

左氏第一

前漢諸儒不肯爲左氏學者爲其是非繆於  
聖人也故曰左氏本傳春秋此無疑矣然爲左氏者  
皆耻之因共護曰丘明受經於仲尼此欲以自解免  
耳其實非也何以言之邪仲尼之時魯國賢者無  
不從之游獨立明不在弟子之籍若丘明真受經  
作傳者豈得不在弟子之籍哉豈有受經傳道  
而非弟子者哉以是觀之仲尼未嘗授經於丘明



丘明未嘗受經也仲尼然丘明所以作傳者乃自用其意說經沉以舊章常例通之於史策可以見成敗耳其褒貶之意非丘明所盡也以其不受經也學者可勿思之哉

杜氏序曰仲尼因魯史策書成文考其真偽而志其典禮上以遵周公之遺制下以明將來之法其教之所存文之所害則刊而正之以示勸戒其餘皆即用舊史有文質辭有詳略不必改也此未盡也苟唯文之所害則刊而正之其餘皆因而不改則何貴於聖人之作春秋也而傳又何以云非聖人莫能修之

乎大凡左氏本不能盡得聖人之意故春秋所有義同文異者皆沒而不說而杜氏患苦左傳有不傳春秋之名因爲作說云此乃聖人即用舊史爾觀丘明之意又必然按隱公之初始入春秋丘明解經頗亦殷勤故克段于鄆傳曰不言出奔難之也不書城郎非公命也不書之例一年之中凡七發明是仲尼作經大有所刪改也豈專用舊史者乎又曰春秋何以始乎魯隱公曰周平王東周之始王也非也魯惠公亦即位於周平王之初何不始於惠公乎又曰魯隱公讓國之賢君也非也如左氏所說則隱賤相貴相貴當



立而隱不能奉之以立而已篡其位雖為讓言誰知其心哉此相所所以疑而殺之乃非弑君也閔公即位甫一歲哀公即位甫四歲不聞當時庶兄孽子敢代之貽者雖不代之治二君亦君矣假令有庶兄孽子代之治春秋又可許其讓乎且隱公以謂已不代相公治則魯國不存乎襄公無代治者何故魯不亡也若魯之存不待隱公者則隱公之攝吾見其篡不見其讓且讓非隱所得名也所謂讓者謂其推己之有以與人也其奪人之有以與人也能知吾言者可與言春秋矣或曰周公亦攝吾曰周公之攝成王使之也且隱公周公也哉其攝也

### 隱公

傳惠公元妃孟子孟子卒繼室以聲子生隱公而仲于為夫人生相公是以隱公立而奉之如傳所言者明隱長而卑相幼而貴也隱公立而奉之者明隱為相立也即元年傳所云攝也十一年羽父請殺相公以求太宰公曰為其少也吾將授之矣明隱本不當立故攝位以待相壯也又元年傳曰惠公之薨也太子少太子則相矣今杜氏注云繼室子當嗣世以禎祥之故追成父志立相為太子非也若隱本當立則



傳應云不書即位讓也不應乃云攝也未有當其  
位而云攝者也未有攝其位而云讓者也知攝讓  
之名所為施則知隱公之當立與不當立矣且若隱公  
本當立則羽父無緣請殺相公也推羽父所以請殺  
相者蓋見隱公本不當立今久攝不還疑隱公欲遂有  
之也使隱公本當立者則羽父必能知相公之已絕  
望何故來殺之哉且相公之母乃夫人隱公之母乃  
妾妾主不同貴賤可知矣然此傳言相隱貴賤自未  
足信而杜氏於其中又錯貴賤之分何為未足信乎  
曰讓則不攝之則不讓而傳謂隱公攝是非其位

而括之者也於正法所不得為於王法所不得為則  
相之弑隱惡少減矣春秋不宜深絕之今以其深絕  
之知隱公乃讓也非攝也今以攝言隱公是不盡春  
秋之情也何謂錯貴賤之分乎吾既言之於前矣蓋  
注與傳盡傳與經違非深知春秋之情者不能考也  
元年春王正月傳曰春王周正月杜氏曰周王之正  
月也杜氏所說非也周之諸侯即用周曆春秋豈嫌  
魯不用周曆加王以明之哉且傳乃云王周正月不  
云周王正月使傳云周王正月者可云傳過非杜氏  
過今傳云王周正月此傳不過杜氏過也何以言之



邪傳先王而後周明王在周外也王在周外非時王  
省矣杜氏豈唯異於經哉又異於傳

不書即位傳曰攝也杜氏云公不行即位之禮故史  
不書非也尋傳此文諸公不書者似指仲尼作春秋  
不書之意耳故隱公曰攝莊公曰文姜出閔公曰亂  
僖公曰公出復入然此未得仲尼之意也左氏見春  
秋闕此數君即位故以己意推而解之耳杜氏既嫌  
其乖異難通因說云此四君者但朝廟告朔而不即  
位豈實論哉若以國家擾亂不皇行禮邪則豈獨不  
得即位而已亦無暇朝廟告朔矣朝廟告朔亦何異

於即位即位亦何異於朝廟告朔朝廟告朔同見百  
官豈獨朝廟告朔則暇行之即位見百官則不暇行  
之此殊不足信也且杜氏未曉傳文傳曰不書即位  
者固言仲尼不書也若云隱莊初不即位傳當但云  
公不即位攝也公不即位文姜出故也不當云不書  
即位不稱即位也且杜氏注定無正月曰公未即位  
也此言公即位則得書正月公未即位則不得書正  
月也若公即位則得書正月未即位則不得書正月  
則隱公等初不即位何故反書正月此自相伐也  
公及邾儀父盟子蔑傳云未王命故不書爵曰儀父



貴之也非也諸侯本不得妄盟亦何善哉乃虞見  
貶何貴之有丘明未嘗受經見儀父稱字心固怪之  
又願聞仲尼立素王之法遂承其虛說不復推本道  
理直曰貴之云且是事也三傳皆曰貴儀父故字之  
唯公羊以春秋當新王故其說似有理者而亦終不  
可通至於左氏穀梁乃未有可貴之道也又曰公即  
位而求好於邾故爲蔑之盟然則繼好息民更是魯  
善也邪不當褒矣又是後與桓公盟亦稱儀父又何  
善邪

鄭伯克段于鄆左氏曰段出奔共不言出奔難之也

非也若段得生奔他國則鄭伯有伐弟之惡無殺弟  
之惡春秋但當云鄭伯伐段于鄆即解云段不弟故  
不言弟稱鄭伯譏失教也不言出奔難之也乃可爾  
何有改伐爲克哉傳例又曰得雋曰克若大叔奔共  
是不得雋也何以書克邪此年十月傳曰共叔之亂  
公孫滑奔衛公孫滑爲是段子父子宜相從今於傳  
數見段子不見段身也蓋段見殺之後其子出奔左  
氏所據注記誤云段身出奔爾又云如二君故曰克  
春秋二君相伐多矣皆曰伐不曰克不知何據而以  
爲二君言克邪傳曰不言出奔難之也此語無乃非左



氏之利而自疚病乎如此是春秋之作刪除者多矣左氏何獨解此一事而二百四十二年之間遂默不言而皆以爲史闕文從赴告因舊史不赴告乎且此事也如左氏之說史策乃本有段出奔共而仲尼除之也則鄭伯公子五爭晉文公不言出入之類亦爲仲尼有所避匿而捐之矣何不二解之曰爲此不書乎爲此不書乎若彼不書者爲史策所無也安知此共叔出奔非史策所無者而必云仲尼除之乎觀此一節似左氏亦以春秋爲據百二十國寶書作者君子曰類考叔純孝也非也莊公既自悔其與母誓

矣考叔已聞其心若此矣考叔當明言於君曰君之誓母不孝也鬼神所惡也雖有醜誓鬼神弗聽也君不如迎母反之此所謂遷善從義君子之道鬼神所福也彼莊公聞若言必欣然不辭何者彼悔誓其母又耻自發之左右莫能導其君者故至於此使考叔能爲此言莊公何遽不從而掩昧致說苟公不怪其舍肉事未可知也又闕地作隧自云黃泉上之不足誑鬼下之不足誣人內之不足欺心而徒教其君耻過作非此孟子所謂又從而爲之辭者也何謂純孝乎天王使宰咺來歸惠公仲子之賵左氏曰緩且子氏



未薨故名非也此以宰爲宰周公之宰咺爲天子大夫之名怪其以名配宰妾云子氏未薨欲以就其賤咺之說耳按惠公以仲子爲夫人以相公爲太子事相發也今天王歸賵史記其事應曰惠公及夫人子氏之賵何故但言仲子不稱夫人乎杜云婦人無謚故以字配氏審如杜說天王則生賵人之母魯之群臣亦生謚其君夫人也且周德雖衰不應生歸人賵觀惠公仲子與僖公成風何異而皆以謂兩人此不知妾母繫子之義而虛設不信也

公子益師卒左氏曰公不與小斂故不書曰非也公

孫叔孫婁公孫嬰齊皆爲公預小斂乎何以得書日大凡春秋所據者史也史之所記非聖人也有日不日有月不月其事可以考核其日月不可必知也假令益師卒時公實預小斂或史誤不日或年久闕脫仲尼寧得虛增甲子乎若魯國史官世世皆賢人皆皆知仲尼將修春秋以日月之例見君臣厚薄故每記卿大夫之卒謹守此法則可矣若人自爲意家自爲法或日或不日或月或不月皆由此也安可於數百歲之後信其此文以褒貶人君乎爲左氏者既自云史有文質辭有詳略不必改也今大夫卒或



日或不日亦詳略之一端矣何以必其皆詳邪學者當如何解此吾欲聞之

二年無駭帥師入極杜氏曰無駭未賜族故不書氏八年傳曰無駭卒羽父請氏皆非也公子稱公子公子之子稱公孫公孫之子以王父字爲氏乃常禮也若此無駭者繼公孫者也則其賜氏又矣豈及其死而未賜氏乎如其公孫也則公孫乃其氏矣又何賜乎若以謂公子公孫亦必賜然後稱也是不達於禮矣夫禮所以賜氏者非以爲榮也乃以爲公孫之子其族無稱也其族無稱故請之於君君賜之氏而後稱之也則族者固公子公孫之類也公子公孫不待賜而稱之也以親屬爲氏也公孫之子必待賜而立氏者公孫不敢以親屬爲氏也所謂繼大宗者也柰何以公子公孫爲賜族哉然則無駭之不氏非以其未賜族也

紀裂繻來逆女杜氏曰逆女或稱使或不稱使昏禮不稱主人史各隨其實而書非例也非也如此苟一耳吾於公羊旣言之

紀子帛莒子盟于密傳曰魯故也杜氏曰莒魯有怨



紀侯既昏于魯使大夫和辭之故子帛爲魯結好也  
比之內大夫序於莒子之上又稱字以嘉之非也若  
紀侯使子帛平二國之怨則善在紀侯不在子帛子  
帛不當攘君善也又云比之內大夫若比之內大夫當  
曰紀子帛及莒子盟不當去及也  
夫人子氏薨左氏曰桓母也審如此桓未君其母稱  
夫人是仲子稱夫人又矣桓公爲太子必矣杜氏何  
以云隱當嗣立追成父志以立桓邪此明杜氏誤解  
傳傳又誤解經也何以實之如杜之說則隱公誠讓  
國於桓如傳之說則隱公爲攝桓之國推此二者俱

非是然杜氏近之然桓母亦非夫人也

三年庚戌天王崩左氏曰壬戌平王崩赴以庚戌故  
書之杜云欲諸侯速至故遠日以赴春秋不書實崩  
日而書遠日者即傳其僞以懲臣子之過也非也王  
實以壬戌崩而赴以庚戌崩則天下皆謂真以庚戌  
崩也此史自當書庚戌聖人雖欲遷正亦不可得豈  
故傳其僞者乎且於春秋何以見平王非庚戌崩乎  
君氏卒左氏曰声子也不赴于諸侯不反哭于寢不  
祔于姑故不曰薨不稱夫人故不言葬皆非也妾母  
不得稱夫人自常禮也假令實爲声子雖不稱夫人



猶應此定十五年妣氏卒及葬定妣之例書之何忽稱君氏又不葬乎又曰不書姓爲公故曰君氏春秋以昭公娶吳故諱其姓謂之孟子則諱姓者避同姓也今聲子非魯同姓諱姓無義也杜氏云不書姓避正夫人亦非也若書子氏卒非正夫人亦明矣又何避乎又曰隱見爲君故特書於經曰君氏亦非也哀公未即位妣氏卒猶得書隱公見爲君子氏卒無不得書書之何謂特書乎且所謂君氏者又不足以勸其爲君母也若曰君母氏乃可矣直云君氏未可謂之君母武氏子來求賻左氏曰王未葬也傳不解武氏子但

云王未葬似傳本但說爾時王未葬故求賻也若強通之可益云來賻非禮也至於稱武氏子聖人之意甚微而左氏不言此明左氏未嘗受經於仲尼而自以己意作傳者杜氏之注是取公羊義牽合此傳爲傳飾其短闕耳

傳曰鄭祭足帥師取溫之麥又取成周之禾按春秋乃惡相伐者况伐人喪乎伐人喪尚惡之况伐天子乎今不獨伐天子又伐其喪也則春秋何以無貶鄭文邪左丘明魯太史也鄭事若不赴告魯左丘明無由知之苟赴告魯則必書於策苟書於策則春秋必



當有之今春秋無此是不書於策也不書於策則丘明何從見此邪非傳聞道聽者乎學者莫如信春秋則外物不能惑矣春秋云甲傳云乙傳雖可信勿信也孰信哉信春秋而已矣

又曰周鄭交惡君子曰信不由中質無益也非也王欲分政虢公何以不可而鄭伯怨王此鄭之過一王以子狐質鄭鄭當辭曰君臣無質而遂以子忽質周比周於諸侯此鄭之罪二王崩周人將畀虢公政實未畀也鄭當送往事居以待天命而遂伐王之喪此鄭之罪三鄭有三罪不患無辭貶之而君子但惡信

不由中使周與鄭儕此爲縱鄭之惡急周之信孟子所謂人紿其兄之譬教之徐徐云爾者也

又曰宋宣公可謂知人矣立穆公其子饗之非也宣公知人之狀何如哉知其必反國于己子邪則是挾詐而讓也知其賢足以任國爲君邪則穆公竟不能止後嗣之亂若但以穆公今能反國因曰知人則充讓舜不讓丹未舜讓禹不讓商均老舜反爲不知人也且吾論之自古讓者多安者少宋穆公讓魯隱公讓吳三王讓燕子之讓後皆大亂宋襄公欲讓目夷目夷不聽鄭穆公欲讓去疾去疾不聽楚昭王



欲讓公子閻公子閻不聽後皆無亂使此三子從而  
利之亦皆亂矣然皆三子又非惡焉君也讓不得聖  
人不止非聖人亦不可蒙讓於人也故堯讓舜：讓  
禹太伯讓文王而天下國家安之彼所謂知人也若  
且得讓名暮有讓禍此乃讓非其人不知人之甚者  
何謂知人哉

又曰公子州吁嬖人之子也有寵而好用兵公弗禁  
石碻曰將立州吁乃定之矣若猶未也階之爲禍石  
碻之意則是石碻之言則非使君聽石碻而立州吁  
又當大亂亂之作是石碻教之也石碻何義以免此  
責乎則不若謂君曰先王有禮長幼有序君必黜州  
吁以杜亂君之愛州吁乃可謂愛矣君聽州吁好兵  
以凌太子百歲之後州吁必爲亂國人必討之君雖  
欲全之不可得矣君之愛州吁乃害之也如此則可  
然左氏亦不須此四句自足爲義無用連之以誤後  
世也

四年衛州吁弑其君完按州吁公子也不書公子杜  
作釋例以謂從赴辭也非也左氏稱族舍族亦自有  
義豈得但云從赴哉此明仲尼作春秋雖据舊史其  
稱族舍族皆出於聖人之手左氏本不受經故略自



以己意推之如翬溺崔氏之比則因著爲說如州吁之類不稱族者不知何故則闕而弗論而杜氏則以爲苟從赴而已如實從赴傳所云翬溺皆虛辭也如皆有義不得云從赴也

公及宋公遇于清杜氏云二國各簡其禮如道路相逢遇故曰遇也非也如二國各簡其禮此端會也非遇也遇者正謂相逢耳君遇爲會見之名故當如會例書云公遇宋公于清不得云及宋公遇也且遇者相相遇無疑矣季姬及鄆子遇于防彼豈各簡其禮者邪翬帥師會宋公陳侯蔡人衛人伐鄭左氏曰羽父請

師公弗許固請而行故書曰翬帥師疾之也非也翬溺爲賤無駭爲未賜族皆怪春秋有書氏不書氏之異而不得其說因以己意推言之爾如傳無說則翬溺可以無駭言之無駭可以翬溺言之如此春秋不足獨任將反求決是非於傳也且翬之固請有異於元年公子豫之遂行乎豫不書於經翬書而不氏賞罰頌矣何以爲春秋

衛人殺州吁于濮杜氏云未列於會故不稱君例在成十六年今按成十六年傳曰先君若有罪則君刻諸會矣杜据此文是以每云諸篡弒之人已嘗會諸



侯則無咎矣不亦甚哉若世太平也教化未壞天下  
必無弑君親者及王道既衰諸侯力政而臣弑君子  
弑父列國擅盟會於此之際會豈難致哉楚貪一裘  
一馬囚兩國君鄭以鞶鑑玉爵怨王而叛之彼固無  
忌憚也若弑逆之人入裘馬以市楚分玉爵以賂鄭  
推楚鄭之意將欣然願會此豈王法哉以此說經恐  
倍於經以此解傳恐違於傳何以知之邪傳曰厚間  
定君於石子石子曰王觀焉可然則列於諸侯之會  
未可也

五年考仲子之宮杜氏云仲子桓母也惠公欲以爲  
夫人而諸侯無二嫡故隱公成父之志別立宮也非  
也若仲子實桓母文非夫人則不當別立宮春秋應  
與立煬宮武宮等書立宮以見譏不當委避云考宮  
也春秋所貴者禮而已矣孝經曰後父之令焉得爲  
孝今惠公無令隱公逆爲成之此去孝遠矣春秋何  
以反不譏邪且誠若傳所言仲子爲桓之母桓母夫  
人也其薨亦稱夫人矣今何故不曰考夫人仲子宮邠  
初獻六羽左氏曰公問羽數於衆仲衆仲對曰天子  
用八諸侯用六大夫四士二故自八以下公從之杜  
注云先時僭用八佾故今復古非也左氏云王命諸



侯名位不同禮亦異數若五等之君均於六佾無乃同之乎推傳此言是衆仲之言誤傳因具記之見失禮耳非美之也何以明之經言初獻者乃譏始僭也猶初稅畝矣若非始僭者經不言初也又杜氏云是後季氏舞八佾則知唯仲子廟用六佾若如所言經又不當言初言初者是魯有國已來至今始作此事爾不然一切復右皆用六佾猶可言初也若但据一廟又非創始不可謂初也蓋魯隱以前未嘗舞六佾於群公之廟今立仲子廟又當下群公疑於所舞故問衆仲也衆仲不知諸侯名位不同禮亦異數因天

子八佾遂兼稱諸侯六佾致使魯僭諸公之禮也此春秋所以書其初也此後所以又僭八佾也且吾論衆仲之誤無疑矣仲云士二佾所謂士者特牲少牢皆士禮也無用樂舞之儀安得二佾而施之乎周禮舞師之職凡小祭祀則不興舞小祭祀者王服玄冕之祭也王服玄冕不興舞矣士服玄冕及舞之乎且玄冕又非士所當服者計衆仲之傳學親師未如宰我之於仲尼史佚之於周公也宰我言社仲尼非之史佚葬殤周公非之衆仲之誤魯使僭無疑也以謂不然則春秋書初之義不可解今欲成杜氏說邪欲



從春秋邪必有春秋必無杜氏必有杜氏必無春秋  
六年鄭人來渝平左氏曰更成也杜氏云渝變也若  
如左氏杜氏之說經但當云及鄭平或云暨鄭平或  
云鄭人來平或云鄭人請平則足矣不得言渝以  
變爲義則是變其舊平非新爲平也明此渝平當云  
輸平二傳亦云輸平蓋是字誤

冬宋人取長葛左氏作秋杜氏云秋取冬來告也非  
也史之記事雖據赴告而書至其日月猶當作先後  
次序假令宋鄭同用二月出師宋則即時來告鄭則  
逾時來告所告雖遲其告之言猶曰二月也國史豈

得但據告時編之於夏乎必若云豈唯大混亂事實  
哉亦顛倒天時矣然左傳日月與經不同者多或丘  
明作書雜取當時諸侯史策史策有用夏正者有用  
周正者錯雜文外往往而迷故經所云冬傳謂之秋也  
傳云京師來告饑公爲之請糴此虛言也若其有之  
經無緣不書也杜氏以稱京師告饑則非王命故  
不書非也告饑雖不書粟猶應書也必以謂非虛  
語者則是雖來告糴而魯不肯歸粟且以請糴於諸  
侯給周故春秋諱之也不然無緣不書也若曰稱京  
師則非王命彼傳云京師敗曰王師敗績于某者指



誰言之哉

春秋權衡卷第一

春秋權衡卷第二

左氏第二

七年叔姬歸于紀杜氏云伯姬之姊待年者也非也  
春秋不言內女爲媵於諸侯者以媵卑不足言也叔  
姬何以得書邪苟云史之記事有詳有略又何以爲

春秋

滕侯卒左氏云不書名未同盟也非也嘗同盟者卒

未必皆名未嘗同盟者卒未必皆不名而左氏又云  
赴以名則書之不然則否若實從例則不當從赴若  
實從赴則無用設例今進不必從赴退不必從例徒  
用是紛紛也且吾論同盟諸侯卒不必書名何者欲  
以名別同盟邪則同盟已見於經不必書名乃知之  
也然必欲謂同盟乃書名者似見春秋諸侯盟會多  
欲因此推言之爾禮云諸侯不生名生名不可死名  
乃常也唯天子崩告於諸侯則不名諸侯薨赴於諸  
侯無不名其不名是有僭君之心非謂不同盟故略  
之也大凡天下有道王巡狩四岳則四方諸侯各隨



其方伯州牧朝于天子以聽天子黜陟故一方諸侯  
共事方伯一州諸侯共事州牧死則相哀患則相卹  
朝聘通馬赴告及馬苟異方殊州生不共事患不共  
憂則朝聘不相通赴告不相及左氏所云同盟則赴  
以名蓋緣此也言同盟赴以名非也同盟則相赴是也  
戎伐凡伯于楚丘以歸杜氏云戎鳴鍾鼓以伐天子  
之使非也若謂鳴鍾鼓則得云伐苟戎不鳴鍾鼓則  
可云戎侵凡伯乎侵伐雖以鍾鼓爲辨要當施之國  
邑非施之一夫也

八年鄭伯使宛來歸枋杜云宛鄭大夫不書氏未賜

族非也苟取不氏者以未賜族說之耳人誰知之羣  
溺則以爲賤柔挾則以爲未賜族僑如及遂則以爲  
尊夫人宋督宋萬之北則以爲從赴人豈能知之乎  
我入枋杜氏云栢元年乃卒易枋田知此入枋未肯  
受而有之非也經云入枋者旣入之矣又何未肯受  
而有之乎若魯未肯受枋經書其入是仲尼誣君之  
惡也原杜氏之意蓋見栢元年傳云鄭伯以璧假許  
田爲周公枋故也此自傳誤隱公時鄭人歸枋者鄭  
自欲與隱公也栢元年以璧假許田者栢公以許田  
與鄭真易璧玉也傳乃并而言之謂鄭人以枋易許



而不顧隱八年已有我入祊之文且許田者魯本受  
封之地詩云居常與許是也地名與國同者魯多有  
之莊公築臺于秦築臺于薛豈真近秦近薛哉傳見  
許國近鄭不悟魯自地名許田因謂鄭欲得近許之  
田故以祊易許混合兩事并爲一說而杜氏遂倍經  
信傳扶成其僞可謂有功於左氏矣未可謂知經也  
公及莒人盟于浮來社云莒人微者不嫌敵公侯故  
直稱公例在僖二十九年今按僖二十九年翟泉之  
盟傳曰在禮鄉不會公侯會伯子男可也然則傳例  
以卑不會尊社意反謂卑可會尊也公侯之鄉不可

當公侯子男之微者而當公侯乎且鄉不會公侯非  
爲嫌也爲其不敵也鄉可以會伯子男非爲不嫌也  
爲其足相敵也若以微故不嫌敵者鄉不嫌於公侯  
而嫌於伯子男不可會伯子男可會公侯也

無駭卒傳曰羽父請族公命爲展氏杜云無駭公子  
展之孫非也若無駭真公孫之子當其繼大宗也賜  
氏以矣何待其死而賜氏乎且禮云公孫之子以王  
父字爲氏曾非言其死而後氏之也然則無駭固公  
孫也羽父請族者爲無駭之子請族也子展稱公子  
無駭稱公孫無駭之子未有稱也此其所以請之也



若必公孫之子死然後賜族則無駭焉終身無所氏也故曰不明於禮矣

九年大雨震電傳曰大雨霖以震凡雨自三日以往為霖杜氏云此傳解經書霖而經無霖字經誤也非也經有電無霖傳有霖無電傳不解經經反誤哉無丘明不宜革電為霖蓋其所据簡策錯誤不能決之於經直因循舊記而已杜氏遂專謂經誤黨於左氏至如此不已惑乎且左氏之言未必可信也三日之雨豈非常者乎此固經所未嘗書者若以雨三日以往而必書之是春秋二百四十二年之中三日雨者一而已是豈足信也

庚辰大雨雪左氏云平地尺為大雪亦非也按左氏諸言凡者皆史書之舊章然則此大雨霖大雨雪亦皆舊章常例所必書者也則春秋固應書此二者宜甚多矣何以言之三日雨平地尺雪皆非可怪者也曷為二百四十二年之間獨此而一哉用此推之左氏凡例亦不必皆史書之舊也乃丘明推己意以解經為凡爾其合於道者則周公之典又仲尼所取也其考之不合於經如此類者則其臆議而腹斷之加凡於其者云爾非周公之典仲尼本意也



傳曰宋公不王鄭伯為王左卿士以王命討之伐宋以入郛之役怨公不告命公怒絕宋使推驗此文及其前後知宋之怨公不獨以不救入郛也何者宋魯相睦而同怨鄭伯伐宋人請救而使者失辭故公不肯救宋明年則鄭人來輸平此必鄭伯知公與宋有隙也鄭雖輸平公亦未許又因為宋伐郛則未知公欲結宋郛欲市於鄭也而宋尚街之故明年鄭遂致其枋田公因受之許其為平自然宋人怨公與鄭和而不告命也宋之怨公不以入郛明矣其端自入郛起則誠有之然此傳事爾吾聊明之

十年公會齊侯鄭伯于中丘左氏云癸丑盟于鄧為師期按經無盟鄧之文杜氏以謂告會不告盟非也國史所記皆時君政事政事既行則皆書之豈待告廟乃書哉唯公行而還告廟則不告廟則不致此乃君有境外之事歸當告致也不謂政事大小一一告廟也公盟則書盟會則書會豈在告廟乃書乎明此本無盟鄧之事左氏所得記注橫生此語而杜氏飾說實之又據其癸丑謂經書二月誤傳書正月真皆倍經任傳不可信者也

翬帥師會齊人鄭人伐宋杜氏云翬不待公命貪會



二國之君疾其專進故去氏非也按元年公子豫亦不待公命帥師而去彼則都不書姓名此但去氏而已輕重頗矣非春秋意也

辛未取郟辛巳取防左氏曰公會齊侯鄭伯于老挑公敗宋師于菅庚午鄭師入郟辛未歸于我庚辰鄭師入防辛巳歸于我此皆不實也經無會老挑之事又但書公敗宋師取郟取防曾不言鄭伯吾間者豈得如傳言哉且如傳言春秋爲縱漏鄭伯取邑之罪反移之其君也爲人臣子固若此邪傳又曰君子謂鄭莊公可謂正矣不貪其上以勞王爵亦非也鄭雖

以王命討宋得其土地當歸之王鄭何得專而有之專而裂之邪專而有之專而裂之不臣甚矣反謂之正乎周之末世人尤不知義哉其以此類爲正也此丘明不學於仲尼之蔽也

宋人蔡人衛人伐戴鄭伯伐取之左氏曰取三師焉非也三國之師衆矣鄭何以能悉取之邪且三國伐戴爾不入戴也鄭伯圍戴爾何以能取三師邪假令三國已擊戴居之鄭來圍戴則三國亦各自去戴非其社稷所寄也何爲共守此地邪是不足信然爲此說者蓋讀春秋而不曉其趣乃飾而說之耳



十一年滕侯薛侯來朝左氏曰公使羽父請於薛侯曰周之宗盟異姓爲後乃長滕侯此皆非禮也晉侯使荀庚來朝衛侯使孫良夫來聘魯尚不敢同日而與之盟豈有南面之君來朝而令同日並見邪異姓爲後固應謂朝天子時耳魯不當旅見二君又不當引天子自况

傳曰鄭伯使許大夫百里奉許叔以居許東偏君子曰鄭莊公於是乎有禮非也許若有罪鄭已破其國鄭當請王而立君許若無罪鄭固不當妄破其國妄逐其君今許罪不可知而專爲威福政不由王而制於已私其邊圉之固皆大罪也何謂知禮乎

傳曰公之爲公子也與鄭人戰于狐壤止焉按謂之公子則非太子也因此觀之知左氏之意謂惠公不以隱爲太子而以桓爲太子隱攝桓位也而杜氏謂隱公追成父志以國讓桓蓋非左氏之意矣然其非左氏之意乃實春秋意也

公薨左氏云不書葬不成喪也非也桓本潛謀弑君欲人不知之故歸罪焉氏豈更令其喪禮不成以自發露邪此乃事之不然又明左氏初不授經于仲尼不知薨不書葬之意



桓公

元年鄭伯以璧假許田左氏曰爲周公禘故也非也  
禘自禘田許自許田以禘易許段云以璧易許乃是  
爲鄭伯諱不爲魯公諱也且入禘久矣經有明文何  
故至此乃卒易禘田乎若實以禘易許則隱八年我  
入禘爲春秋增誣其君若實以禘易許強諱云璧假  
是又春秋諱鄭不諱魯實說禘者鄭所以乎怨於魯  
也許者鄭見桓篡立利得其地以璧易之桓既不肖  
貪嗜寶貨又逼初立欲得鄭歡故聽其易也許則詩  
所謂居常與許蓋周公受封之地非謂近許也傳本  
誤謂許田者近許之田又見鄭許鄰國數相侵伐疑  
鄭欲求近許之田又見鄭前入禘遂牽引傳致成此  
說爾不然無爲倍經害義也故學者莫若信經莫若  
信義

秋大水左氏曰凡平原出水爲大水非也水之爲害  
何必乎原出之乎連雨不解禾稼不成所在汎濫亦  
大水也江河逆溢壞民廬舍亦大水也山岳崩折泉  
源發洩往往爲害亦大水也至於平原出水蓋最鮮  
爾限此爲凡亦非周公仲尼之意也  
二年宋督弒其君與夷及其大夫孔父杜氏云孔父



稱名內不能治其閨門外取怨於民身死而禍及君  
故貶之非也仇牧荀息皆稱名春秋雖以字爲褒然  
已名其君於上則不得字其臣於下此所謂君前臣  
名禮之大節也用杜氏之意者乃當名君字大夫顛  
倒人倫乎已不通經則亦已矣又誣彼三人者爲有  
罪不亦蔽惑甚乎

會于稷以成宋亂杜氏云成平也非也春秋有輸平  
又有暨齊平又有公及齊侯平莒及邾皆直稱平若  
春秋欲諱受賂之惡言其平宋亂乃是矣今不曰平  
而曰成此豈平之謂乎且按傳曰會于稷以成宋亂  
爲賂故立華氏也則此傳以受賂立華氏解經之成  
宋亂也豈不明哉

杞侯來朝左氏曰杞侯不敬歸乃謀伐之九月入杞  
非也按公羊經紀侯來朝竊以謂當作紀不當作杞  
春秋雖亂世至於兵革之事亦慎用之杞來朝魯有  
以不敬未宜便入其國也左氏誤紀爲杞遂生不敬  
之說

三年春正月杜氏云不書王者時王不頒歷非也十  
七年十月朔日有食之傳云不書日官失之也謂日  
官推歷不得其正耳非謂不班曆也何爲其年亦不



書王乎若謂官失之者即不班曆矣莊十八年春王三月日有食之亦不書朔者亦當不書王而反書王何哉故以相十七年爲不班曆則與莊十八年不合且傳云官失之者是實班曆而有失耳非不頒曆明矣由是觀之不書王者不爲曆也

齊侯衛侯胥命于蒲左氏曰不盟也非也兩君相聚必有故矣雖復不盟猶應以會書之何忽謂之胥命乎且胥命善乎不善乎若善也不見所善兩君相聚而不盟何善也若不善也不見所不善兩君相聚而不盟何不善也然則胥命者固常會也何足異而書之哉

公子翬如齊逆女左氏曰修先君之好故曰公子非也春秋非修先君之好而稱公子者多矣何必脩先君之好乃稱公子哉若脩先君之好乃稱公子者翬帥帥適其宜矣無謂疾之去氏也

四年天王使宰渠伯糾來聘左氏曰父在故名非也武氏子來求聘言世武氏也仍叔之子來聘言幼溺也褒貶不旣明矣乎若糾擅攝父位自取冢宰者其貶猶應甚彼不得但以父在名之而已捨大責小非春秋也又宰咺歸賵小惡爾左氏以謂宰官咺名也



以名配宰貶之甚者矣今糾乃自攝父位不待王命  
王官之宰其任豈小哉春秋貶之反輕於咥何邪杜  
氏曰渠氏伯糾名此亦非也渠伯爵也糾名也凡說  
經者且以逆順深淺為義得其義是得聖人之意得  
聖人之意者雖有餘說勿聽可也不得其意則牽於  
衆說牽於衆說而逆順深淺失義之中是有功於衆  
說而非求合於聖人也故吾求合於聖人而不敢曲  
隨於衆說聖人之意可求也求在義而已矣

五年甲戌己丑陳侯鮑卒 氏云陳亂再赴非也陸  
淳論之矣

傳曰祝聃射王中肩夜鄭伯使祭足勞王且問左右  
杜氏云傳言鄭忠在苟免王討之非此言不可以訓  
於世柰之何其以解經哉且是使亂臣賊子喜也何  
謂懼乎

大雩傳曰書不時也非也龍見而雩常事爾遇旱而  
雩非常也非常當書書為旱發非為過時發也且此  
下書螽之為物常因旱而生則此雩非失時者自  
為旱故也又曰啓蟄而郊亦非也魯郊以周正周郊  
以夏正不專啓蟄而已

六年寔來左氏云自曹來朝書曰寔來不復其國也



非也州公如曹如知其國有難必不如曹矣假令度其國危而遂不復方其來朝猶是州公爾何得不言乎盛伯來奔實太子也徒君以諸侯逆之遂以盛伯書此親左氏義豈嘗顧盛太子不復其國奪其伯爵哉則州公既行朝禮矣何以獨不書朝夫公之與州公亢朝禮猶與盛太子亢諸侯禮也盛太子以公故故書盛伯州公豈不得以公故故書朝邪且盛伯不復其國州公亦不復其國其不復其國也均而一乎一奪焉可以信左氏之說非也

大閱左氏曰簡車馬也杜云蓋以備鄭此以鄭事相接續爲說爾非必然也

蔡人殺陳佗杜氏云佗立逾年不稱爵者未會諸侯非也雖會諸侯庸得不討 篡乎吾已論於州吁之事矣

七年焚咸丘杜氏曰以火田也非也禮有火田豈得譏其盡物哉又文稱焚咸丘咸丘乃邑也邑非田則不得但謂火田也即實以火田春秋譏之者當如狩于郎狩于郟蒐于紅之例加于以絕之矣今乃云焚咸丘此其意豈譏火田而已者乎

穀伯綏來朝鄧侯吾離來朝左氏曰名賤之也杜氏云



僻陋小國賤之禮不足故書名非也。穀伯爵鄧侯爵侯伯之爵豈小哉。近上祀侯來朝雖不敬猶不書名。計祀之國又非大於鄧穀也。彼何故不名且先王制禮不敢遺小國之臣。豈嘗惡其僻陋而賤之哉。此非春秋之意也。又經書夏朝傳云春朝。此傳所據者以夏正記時也。杜云以春來夏乃行朝禮。爲之蔽短。非實矣。

八年祭公來遂。逆王后于紀。左氏曰禮也。非也。若其得禮文何以無天王使祭公乎。先儒論天子親迎多矣。或以謂王者無敵不當親迎。或以謂在郃之陽造舟于渭。即親迎之事。然以理言之。謂王者不親迎。非也。謂造舟親迎。此文王事紂時制。不可通於天子矣。然則天子娶后當使同姓諸侯主其辭命。而天子之卿逆之。父母之國諸卿送之。至於京師舍而止。然使天子親迎以入也。凡諸侯來朝天子猶駕而逆焉。況於王后所與共事天地宗廟。繼萬世之重者哉。其親迎不疑矣。

九年紀季姜歸于京師。杜云書字者伸父母之尊。二傳亦然。皆非也。紀季姜歸于京師。爾何忽伸父母之尊乎。彼齊侯送姜氏于謹。則可言曰。雖爲鄰國夫



人猶曰吾姜氏當是時齊侯親送之故必去夫人以  
伸父母之尊今此紀侯不親送女無故伸父母之尊  
義不相附也又三家所以云者見其不稱氏而稱  
字耳此猶知二五而不知十也但言姜氏歸于京師  
則似別一姜氏故須冠紀以別之既冠紀以別之不  
得復云紀姜氏也婦人以字配氏乃其常例譬猶伯  
姬叔姬矣然齊侯送姜氏不言孟姜者孟姜即魯之  
夫人魯之臣子所不敢字也魯於季姜亦臣子耳何  
故字之魯雖臣子然諸侯也有不純臣之義魯又主  
婚文復不可言紀姜氏故得書紀季姜也此聖人作  
經隨所深淺各盡其義而不相亂也

曹伯使其世子射姑來朝左氏曰賓之以上卿禮也  
然則傳言魯之得禮非言曹也杜云諸侯之適子攝  
其君則以皮帛繼子男此周禮文也然則杜以曹世  
子爲得禮矣非也周禮稱繼子男者諸侯朝天子有  
時不得後其期故老疾者使世子攝已事而往其位  
繼子男之後而見天子急速職也諸侯間於王事則  
相朝相朝本無時曹伯雖有疾何急於朝魯而使世  
子攝哉是欲使其子充諸侯之禮審也何可謂之禮  
十年齊侯衛侯鄭伯來戰于郎左氏曰我有辭也鄭



人請師於齊：人以衛師助之故不稱侵伐先書齊  
衛王爵也非也經云衛侯傳云衛師自不同矣又主  
爲此戰者鄭人也鄭當先序以見其罪故何反推齊  
爲先乎雖欲明魯不失周班不虞反匿鄭人之惡也  
且魯之以周班後鄭乃在數年之前今此三國固顛  
倒班次而來矣順其事而書之足以見鄭人首惡不  
言侵伐而言來戰足以明魯人有辭而反蔽匿鄭志  
非褒貶之旨也且鄭忽救齊之時經無魯人往齊者  
又明其妄矣

十一年宋人執鄭祭仲杜氏云不稱行人罪之也非  
也傳云誘祭仲而執之此乃非行人假令仲無罪猶  
不書行人也何足以効其褒貶哉

突歸于鄭杜氏云爲宋所納故曰歸非也自祭仲君  
之爾若宋納之何不言納乎又曰不稱公子從告也  
亦非也諸侯之子未爲大夫自不稱公子也稱公子  
皆以爲大夫貴者也又曰文連祭仲故不言鄭亦非  
也此下有鄭忽出奔衛文亦與祭仲相連何故獨言  
鄭乎

鄭忽出奔衛杜氏云莊公旣葬不稱爵者鄭人賤之  
以名赴非也諸侯在喪於其封內三年稱子又一年



不二君故逾年改元此通制耳豈有既葬稱爵者乎  
杜氏見春秋亂世諸侯既葬稱爵者多意以謂禮  
當若此矣獨不顧一年不二君逾年改元之義乎且  
苟以春秋諸侯既葬稱爵爲非失禮者彼臣弑其君子  
弑其父亦常：有之寧復何以信其爲禮哉又曰鄭  
人賤忽以名赴亦非也春秋之褒貶仲尼蓋自謂丘  
有罪焉豈專從赴而已假令突賢而不令之臣污毀  
其君以赴諸侯春秋固亦從之邪且以義觀之忽正  
突不正而突篡忽二者孰爲可賤乎何以顛倒若此哉  
十二年及鄭師伐宋丁未戰于宋左氏曰宋無信也

杜氏云尤其無信故以獨戰爲文非也迺上三國伐  
魯魯有辭故三國以獨戰爲文今尤宋無信反使魯  
以獨戰爲文何哉向令不以獨戰爲文者可云及鄭  
師及宋人戰于宋乎又可云及鄭師伐宋宋人及我  
師鄭師戰乎要是魯鄭伐宋戰于其國宋人不出主  
名故文須先言伐後言戰耳此與齊人伐衛衛人及  
齊人戰相類也所緣之端內外異故如此爾豈苟欲  
尤宋哉且凡春秋盟會未嘗不惡也又非獨於此尤  
宋無信而已也

十三年公會紀侯鄭伯及齊侯宋公衛侯燕人戰齊



師宋師衛師燕師敗績左氏曰宋多責賂於鄭不

堪命故以紀魯及齊與宋戰不書所戰後也

公後其地期而

戰及其非也若宋鄭相怨鄭爲此戰者鄭當序紀上宋

當序齊上何故及顛倒之乎公雖不及其會期而及

其戰期自當沒會地而舉戰地今何故反沒戰地乎

以例理推之前年我師及鄭人伐宋戰于宋地故宋

人今歲來報怨也宋雖報怨齊實主之故齊序上也

戰于宋時在其城下可得言戰于宋今亦戰于城下

不可得言戰于魯故不舉地也豈鄭以紀魯戰者乎

又豈魯不及其會地者乎左氏又曰鄭人來修好按

魯鄭同好未嘗有隙何故忽修之是見明年會于曹

因說此爾

十四年乙亥嘗左氏曰書不害也非也記災而書其

不害何益於教乎火不害粟此亦物之不爲災者於

例當不書何故自書於上又自解釋於下乎苟令御

廩災在乙亥之後當不復見其不害矣

十五年鄭世子忽復歸于鄭杜氏曰稱世子者逆以

太子之禮非也忽出奔時非君也又不言世子則讀

春秋者未知忽之爲正欵突之爲正欵然而突稱鄭伯

矣突之稱鄭伯非正也謂忽世子者所以見正也



豈以其用太子之禮逆乎哉鄭人雖以太子之禮逆  
忽及忽之至豈不君忽乎其赴於諸侯故當謂忽歸  
爲君也豈曰忽歸爲太子也春秋欲貶忽者寧在  
其以太子之禮逆忽乎蓋不知而言之

邾人牟人葛人來朝杜氏云皆附庸世子也非也世  
子不當攝君朝凡春秋所記世子朝皆貶也不應沒  
其名

十六年伐鄭按傳例與謀曰及不與謀曰會此稱公  
會則不與謀者也而正月會于曹傳云謀伐鄭乃是  
與謀與謀而稱會何邪杜云魯諱納不正非也本設

與謀與不與謀之例者欲以微文見褒貶也所謂主  
人習其讀而問其傳未知己之有罪者也而又反易  
事實以會爲及以及爲會則奚如本不設會及例邪  
春秋王法也非苟徇人之情而已如魯人自知其罪  
而諱避不言此固春秋所當正也何故緣其不肖之  
意與之比周掩匿邪且魯人唯不知義故伐鄭豈復  
稍避與謀之名哉伐鄭固不耻也與謀何足耻乎  
十七年公會邪儀父盟于越按隱元年傳曰嘉之也  
彼時嘉之似云隱公初即位繼好息民耳令與桓公  
盟則亦何嘉若諸侯盟會每輒見褒是春秋不譏盟



也何爲獨儀父受褒他國未嘗受褒乎明此不知春秋之意謬說之爾且鄧穀皆大國身自朝魯反以爲僻陋名而賤之邾附庸也充魯而盟盟輒見褒何春秋之難曉若此哉

蔡季自陳歸于蔡左氏曰蔡人嘉之也按此蔡人嘉之則必蔡人逆之矣蔡人逆之於左氏例當言入不當言歸何故言歸乎葬蔡相侯杜氏云稱侯蓋繆誤豈非不知而作者邪讀聖人所爲書已所不曉因以爲繆矣非不知而作何以及此

春秋權衡卷第二

春秋權衡卷第三

左氏第三

莊公

元年正月左氏曰不稱即位文姜出故也非也此年三月文姜始遜于齊此時未出何故不即位原傳此意當爲文姜與桓俱行未有至文故云出耳不知夫人行不以正者至皆不書也且文姜弑君自絕於魯莊公何故不忍即位乎莊公不忍即位文姜感之而還則莊公已忘文姜之弑其父矣何以文姜又遜于齊乎實說桓公薨于齊禍起於文姜而成於齊侯而死於彭生魯人知彭生之殺公而不知齊侯之怒公故於赴齊曰請以彭生除之齊人殺彭生魯人則以謂怒



已報矣久之事泄乃始責讓文姜文姜用是遜于齊也若  
桓公之喪獨歸文姜不歸則魯人固以知文姜殺其君何  
有獨請於齊誅彭生而已又何能遷延明年三月乃始責  
文姜而出之

夫人孫于齊左氏曰不稱姜氏絕不為親禮也杜氏云姜  
氏齊姓於文姜之義宜於齊絕復奔齊故於其奔去姜氏  
以示義非也尋左氏之意似云魯絕文姜不以為親乃中  
禮尋杜氏之意則云文姜絕齊不以為親乃中禮杜氏非也  
夫文姜親弑其君今事覺出走假令不奔齊猶不足以自  
贖春秋豈為此示法哉今復有一文姜通其兄弟謀殺其夫

而出奔異國者寧可為禮邪宋襄之母獲罪於君歸其父  
母之國及襄公即位欲一見之而義不可得作河廣之詩  
以自悲然宋襄亦不迎而致也為嘗獲罪於先君不可以私  
廢命也孔子論其詩而著之以謂宋姬不為不慈襄公不  
為不孝况文姜之罪大絕不為親何嫌於義哉

單伯送王姬杜氏云命魯為主故單伯不稱使也非也若  
命魯為主單伯稱使以見王命之來乃宜矣不稱使非  
義也又十四年經單伯會齊侯宋公衛侯鄭伯于鄆稱單  
伯會諸侯單伯則為魯人明也猶曰叔孫豹會晉趙  
武楚屈遼矣若單伯為周大夫則應書單伯齊侯會于



郵不得屬會於單伯也屬會於單伯單伯非周人審矣  
築王姬之館于外左氏云為外禮也非也為讎主婚  
而不知辭乃以築外自誣曰我庶幾得禮哉是何足  
以言禮也按公羊以謂主王姬者必改築則館為王姬  
之舍矣而据杜氏之說則館為親迎之所二者雖所見  
不同竊以謂如公羊之說是何者路寢則不可小寢  
則嫌群公子之舍則已卑其道必為之改築此理之必  
然者

王使榮叔來錫桓公命杜云褒稱其德也非也若實然  
者王何以去天乎

王姬歸于齊杜云不書逆公不與接非也若不與接  
則向者何得云慮其親迎築館於外乎築館於外本  
慮其親逆故避廟中相接耳非都不與接也如實都  
不與接則慮其親迎築館於外之說為虛如慮其親  
迎築館於外之說為實則公不與接之說為謬

三年溺會齊師伐衛左氏云疾之也杜云疾其專命  
非也若專命者固應如公子豫之例不書於經矣公  
子豫何以都不書溺何以書名而去氏賞罰不可知誰  
能通之哉柔會宋公非專命也俠卒非專命也又何以  
不氏邪如本自當不氏何以獨謂溺專命邪



四年紀侯大去其國杜氏曰以國與季季奉社稷故不言滅非也紀國未滅紀侯去之勢不得言滅非爲季也又曰不見追逐故不言奔亦非也若不見追逐何故去乎所以去者正爲齊所迫耳又曰大去者不反之辭亦非也大去即奔耳義有所詭故云大去非大去之外別有奔也

齊侯葬紀伯姬杜云齊侯加禮初附以崇厚義故攝伯姬之喪以紀國夫人禮葬之如杜此說謂春秋褒齊得禮也非也逐人之君葬其夫人此正春秋所貶者何謂以崇厚義固若此乎凡葬者臣子之事也稱齊侯葬伯姬其貶已見矣

五年鄭挈來來朝左氏曰名未王命也若然則未王命者當名何以儀父不名乎若曰儀父與公盟繼好息民故字以貴之則來朝者豈不欲繼好息民乎獨不貴之何哉豈謂朝者不如盟者乎且禮諸侯有朝禮無盟禮則朝宜受褒過於盟今反不及盟乎

六年衛侯朔入于衛杜云朔爲諸侯所納不稱歸者朔懼失衆心以國逆告也非也當是時公親納朔朔之入國公所親也假令衛不來告史猶自書之也何待衛告哉且衛人惡朔而諸侯強納之其赴於諸侯固當從



諸侯納之。例以歸焉。文明此諸侯之力也。何敢忘諸侯之力而以國逆誣諸侯哉。且令朔懼失衆心。故改歸焉。入者徒足以周諸侯耳。何足以結衆心乎。衆心之得失不在於改歸焉。入也。設令以入赴於諸侯而能使衆心安之。猶有可諉。今雖以入赴諸侯。實無預於得衆心也。衛又何焉。忘諸侯納己之惠。改歸焉。入乎。用此言之。歸不主於諸侯。入不主於國。逆故使其說錯亂而不可訓曉者也。

傳曰。君子以二公子之立黔牟。爲不度。非也。王人子突救衛。春秋貴之。則是黔牟王所欲立也。篡王所立。朔則有罪。今朔不見貶。而黔牟顧先蒙惡。豈春秋意哉。又朔比衍黔牟。比剽兩。相似而左氏君剽而退黔牟。存朔而絕衍。賞罰無章。莫此甚焉。

七年星隕如雨。左氏曰。與雨偕也。非也。吾於穀梁旣言之矣。無麥苗。左氏曰。不害嘉穀也。非也。大水無麥苗。此聖人爲記災而書耳。言其不害嘉穀。何益於教乎。且隱元年例曰。凡物不爲災。不書。今不害嘉穀。是水不爲災也。水不爲災。不應書。大水也。大水矣。無麥苗矣。而猶謂不害嘉穀。妄也。

八年師次于郎。以侯陳人蔡人。甲午治兵。左氏曰。治兵



于廟禮也非也凡出曰治兵入曰振旅是以秋治兵春振  
旅今魯以春治兵治兵非其時何以爲禮乎且若中禮  
是則常事爾亦何足書乎又言于廟夫廟中嚴矣非治  
兵之地也若師之出先謀於廟是則可爾於是焉習號  
令鍾鼓丁寧旌旗不乃太瀆乎又郎者魯邑師以于邑  
則其無廟明是爲已次于郎又復入城治兵于廟者乎  
九年公及齊大夫盟于說左氏曰齊無君也杜氏曰大夫  
非一故不稱名非也大夫雖衆固應名其貴者一人而已  
經曰及諸侯晉大夫盟彼豈晉國大夫皆在邪  
齊小白入于齊八月及齊師戰于乾時我師敗績杜云

小白既定公猶不退師歷時而戰：遂大敗未必然也  
夏伐齊納糾八月復戰耳何必一事乎又曰不言公敗  
諱之亦非也春秋記內戰唯此不諱敗當言不諱敗  
之由不當言諱敗也

齊人取子糾殺之杜云公子爲賊亂則書非也子糾豈  
賊亂者乎又曰書齊取殺者時史惡齊志在譎以求  
管仲亦非也此乃仲尼之意時史豈暇爲之哉

十年公敗齊師于長勺左氏曰戰于長勺曹劌請見  
云云杜氏曰齊人雖成列魯以權譎稽之列成而不  
得用故以未陳爲文非也傳本設皆陳曰戰未陳曰



敗之例者見正不正也此既皆陳矣是正也雖復載之有先後亦何謂之以權譎稽之列成而不得用乎要是傳所据者當時雜記妄出曹劌及戰事耳不足以爲据齊師宋師次于郎杜氏曰不言侵伐齊爲兵主皆旣之盟義與長勺同長勺之傳曰齊師伐我杜氏曰不書侵伐齊皆旣之盟我有辭皆非也凡諸侯爲盟不曰繼好息民乎今春盟於旣夏公伐齊秋與齊戰其背盟多矣且旣之盟齊大夫之盟也長勺之師齊桓之師也公與齊桓怨讎已深責齊背盟非事之理也且謂我有辭則不書侵伐子我無辭宜書侵伐矣十

一年公敗宋師于鄆魯有何辭而不書宋侵伐邪僖

元年公敗邾師于偃傳曰虛丘之戍將歸者也將歸之

戍非所得罪於魯無故皆擯之盟要而敗之然亦無

侵伐之文安知長勺之敗非偃之類也長勺之敗不書

侵伐謂有辭可也偃之敗不書侵伐謂之有辭可乎

今吾試謂長勺直偃也偃直長勺也有以辭之乎苟無

以辨何故謂我有辭則不書侵伐乎

荆敗蔡師于莘杜氏曰楚始通上國告命之辭猶未

合典禮故不稱將帥非也楚來告命苟不言將帥當

如何爲告命之辭乎無告命則已若有告命勢不能無



言將帥也

十一年王姬歸于齊杜氏云不書齊侯逆不見公非也  
魯爲王主昏若齊侯來逆女而公輒不見何謂主昏  
矣乃常事自不書者也

十二年宋萬弑其君捷及其大夫仇牧杜氏云仇牧書  
名無善可褒非也吾於孔父既言之矣

十四年單伯會齊侯宋公衛侯鄭伯于鄆杜氏曰齊卒  
平宋亂宋人服從欲歸功天子故赴以單伯會諸侯爲  
文非也本單伯者魯之孤也左氏見周有單子遂誤以單  
伯亦爲周大夫凡王人出會諸侯無不序公侯之上者

宰周公劉子之類是也既序公侯之上則是主會之  
人矣何必赴以單伯會諸侯乃成主會乎彼見春秋記  
外之盟會無分別主會之人者唯魯公及大夫會之則  
分別焉左氏旣誤以單伯爲周大夫杜氏因爲之飾  
說欲證單伯使必爲周人而委曲求合非解經之體也  
十五年春齊侯宋公陳侯衛侯鄭伯會于鄆左氏曰  
齊始霸也非也凡霸者則當主諸侯諸侯莫先焉此年  
秋伐郟宋序齊上明年憂伐鄭宋亦序齊上齊之未主  
諸侯明矣然則齊始霸在十六年十二月九國同盟于  
之時也自此始爲諸侯主矣



十六年同盟于缶杜氏云言同者服異也按春秋書同盟者凡十餘或服異或未嘗服異大約相半若一以服異解之則不可通者多清丘斷道之類是矣此吾所不曉也十七年齊人執鄭詹杜云不稱行人詹有罪也非也凡使而被執稱行人可也非使人而被執不可稱行人也稱行人欲以明使與非使非以正有罪無罪也鄭詹之不稱行人猶祭仲之不稱行人也不得以行人爲解十八年公追戎于濟西左氏曰不言其來諱之也非也杜云戎來侵魯：人不知去乃知之非也戎來侵魯必有兵衆魯何由不知其來不見其來乎若戎能傳羽

翼不踐地忽然從空而下魯可不知耳若但旅進旅退魯無緣不知也凡事有害於義有耻於國諱之可也戎狄無義以侵伐爲常魯安得耻之而安得諱之即之戰不言侵伐以謂我有辭也今此不言侵伐又以謂諱之也若實我有辭乎實諱之乎戰與追之一也不言其伐而言戰與不言其侵而言追何以異而相反若此哉

十九年公子結媵陳人之婦于鄆遂及齊侯宋公盟杜云大夫出境有可以安社稷利國家者則專之可也結在鄆聞齊宋有會權事之宜去其本職遂與二君爲



盟故備書之本非魯公意而又失媵陳之好故冬各來  
伐然則杜氏謂結所行是乎非乎以爲是不得云  
本非魯公意而失媵陳之好也以爲非不得云大夫  
出竟有可以安社稷利國家專之可也且齊宋有會  
結權事之宜而與二君盟何事之權也安社稷利國家  
專之爲可今結與二君盟而三國來伐是社稷不安國  
家不利也社稷不安國家不利而結去其本職是專  
命矣鞏溺專命春秋貶去其族結亦專命今何故不貶  
其族也然則杜氏欲言結之行事而不得其義者也是非  
不決難以教後世矣

二十二年陳人殺其公子禦寇左氏曰殺其太子杜云陳  
人惡其殺太子之名故不稱君父以國討公子告皆  
非也陳若惡之自不以告于諸侯矣且苟殺其太子  
而赴以公子則仲尼安得不改而正之此豈非教之  
所存文之所害而可示勸戒者邪其即用舊史何哉  
及齊高偃盟于防杜氏曰高偃齊之貴卿而與魯微  
者盟齊指謙接諸侯以崇霸業非也齊桓雖欲謙下  
諸侯寧得謂魯人曰吾請以貴大夫從于微者盟乎  
此理之不然者然則實公盟也所謂鄉不可會公侯  
故沒公爾齊桓必不故遺其貴大夫從魯微者盟亦



不請魯遣微者與其貴大夫盟以邀謙巽之名也

二十三年祭叔來聘杜云祭叔爲祭公來聘非也此乃祭叔使人來聘耳祭叔無臣故不得言使人也若曰祭叔爲祭公來聘雖不言使而叔稱已尊非祭公所宜也荆人來聘杜云不書荆子使某來聘者楚始通未成禮非也若楚禮不備妨於聘爾稱荆子使某人者此魯國史氏所當書也彼來使者豈其自稱荆子使某人乎蕭叔朝公杜氏云叔者蕭君名非也邾蕭同是附庸邾與魯盟得褒稱字蕭來朝公猶不免名何哉且叔之爲字可不疑矣專以名解不亦泥乎凡春秋褒貶自有輕重聖人所以教後世賞罰也若盟而蒙加等之賞朝而無勞來之意則賞罰已亂於春秋何能教人

二十四年公如齊逆女杜氏云禮也非也若其當禮則常事爾法當不書書之是也非常者也

丁丑夫人姜氏入杜氏云丁丑入而明公乃朝廟非也即朝廟何以不書至自齊乎文姜初歸書至自齊此朝廟之文也哀姜歸寧而復書至自齊亦致廟之文也凡公行而書至皆告廟者也無不言入言入非告于廟之意矣

二十五年陳侯使女叔來聘左氏云嘉之故不名非也諸侯



相聘常事耳亦何可嘉而不名乎蓋疑書女叔有若字者因爲此說爾若使諸侯其卿大夫來聘輒受一褒春秋之中來聘魯者不可勝紀則何不一一褒也

日有食之鼓用牲于社左氏曰非常也唯正月之朔慝未作於是用幣于社伐鼓于朝非也夏書記日食之變季秋月朔亦有伐鼓之事豈必正陽之月哉儻夏禮與周不同乎然日有蝕之變之大者人君當恐懼修省以答天意豈但非正陽之月者則安而視之哉左氏之說謬矣春秋所以書者蓋譏其不鼓于廟朝乃鼓于社又用牲耳二十七年公子友如陳葬原仲左氏曰非禮也原仲季友之舊也

杜云季友違禮會外大夫葬故具見其事皆非也季友則莊公母弟度其年不能三十餘未嘗去魯何故得與陳國大夫有舊也且季友違禮逾國以葬其故人事非公命應如公子豫不書於策不然則如叔孫豹暈溺之類貶去其族今無所貶何也且文稱公子友如陳此常使文也季友爲受命而行非自行也何以得貶之

二十八年衛人及齊人戰杜氏云實齊侯稱人者以賤者告不地者史失之皆非也稱人則謂之從赴不地則謂之史失之如此無復有春秋矣何貴於仲尼之爲春秋也天王狩于河陽獨非晉諸召王以王狩告乎故春秋之作正褒貶是非而已褒貶是非之不能正而以謂從赴亦不足矣



築邵左氏曰邑曰築都曰城非也築者作邑耳詩云築室百堵百堵皆興  
馨鼓弗勝不謂城邑也邑之與都相較無幾欲差邑於都而殊築城之  
名則國亦當殊京師又當殊而自都以上通以城名之何邪

大無麥未左氏云饑杜云書於冬者計食不足而後書也則未知魯何故饑  
邪水當曰水旱當曰旱蟲當曰蟲三者不作無緣忽饑無饑而言大無麥未  
此何故以謂計食不足而後書之然則當云麥未不得交無也夫不足者未盡之  
稱大無者已盡之稱仲尼豈於此錯亂之哉

于九年春新延廐左氏云不時也非也廐有壞爛及民之閑暇新之是也何害於出為乎  
杜云欲馬未入前修之紀固當在夏末秋初百姓未畜駟時也當勞民妨甚時之謂之  
廐紀叔姬卒杜曰紀國維威叔姬執節守義故繫之紀贊而錄之悲也聖賢之當禮禮厚示

必賢也又諸侯雖失國謂之寓公寓公自繫其國而  
稱之此紀叔姬則寓公之事繫紀常事耳又何見其  
執節守義乎

三十二年子般卒杜云先君未葬故不書葬非也未  
逾年則不成君不成君則不書葬苟逾年矣先君雖  
未葬固當君之苟未逾年先君雖已葬猶非君也君  
則葬之非君則不葬之所謂一年不二君也然則以  
年為限不以先君葬為限  
公子慶父如齊杜云慶父殺子般懼而適齊欲以求  
援時無君假赴告之禮而行非也傳云成季奔陳立



閔公然則立閔公者必慶父也慶父雖殺子般未敢  
便取其國利閔公之初而立焉其如齊者真告立君  
也又何假矣若慶父自見無君假赴告而出欲以求  
援春秋當微著其罪不當徇賊子之志書如齊也又  
魯既無君慶父託事而出非公命審矣以左氏例考  
之非公命應不書之之應去其族不得一無所貶也

閔公

元年春王正月左氏曰不書即亂也杜云國亂不  
得成禮皆非也去年十月子般卒子般卒則閔公立  
至今已三月亂亦定矣言亂不得成禮非也且必若

去何以能朝廟乎朝廟豈非即位乎

季子來歸杜氏曰齊侯許納故曰歸非也向者公及  
齊侯盟于落姑請復季子齊侯許之然則本復季子  
者公也季子前有位於國以左氏例考之應曰復歸  
不應曰歸也若以齊侯許納故得言歸向使魯獨召  
季子不因齊侯者用左氏例當云季子來入乎來入  
不可施於季子來歸亦不緣齊侯也以此知左氏之  
例未可用也

齊仲孫來杜氏云齊大夫以事出疆因來省難非齊  
侯命故不稱使非也若孫仲無君命而來是私行也



春秋豈宜賢之大夫而謀諸侯禮乎若以不稱齊侯使即自來者楚屈完豈以因事私行者乎杜氏又謂仲孫者湫之字湫者仲孫之名不審湫者何氏乎春秋書入之字則不繫其氏乎邾義父也原仲也蕭叔也蔡季也何以皆氏也

二年吉禘于莊公杜云時莊公別立廟非也此直就莊公主耳即別立廟無緣不書

公薨杜氏曰實弑書薨又不地者皆史策諱之然則杜意以謂史當諱國惡矣諸稱公薨者皆時史之文仲尼因之也非也古者史不諱國惡惡有不記者其

罪死以直為職者也女史典彤管之法記宮中之事

事有不記者其罪亦死明史之任一也董狐書趙盾

弑君以示於朝仲尼謂之良史以其書法不隱若史

本當諱國惡者董狐不應明趙盾之罪以示朝衆也

董明狐趙盾之罪以示朝衆而仲尼謂之良史是史

不諱國惡也崔杼弑其君太史書之以示於朝崔子

殺之其弟又書書而死者三人然後舍之若史本當

諱國惡者齊太史為繆妄輕死于禮之人也崔杼殺

之是矣然為左氏者皆以齊太史非繆妄輕死于禮

之守人職之士也崔杼殺之虐也以崔杼殺齊太史



為虐齊太史又非繆妄輕死于禮之人是史不當諱  
國惡也齊晉皆大國其史官皆良士見稱於聖賢以  
不諱國惡為是知魯之史亦不諱國惡也魯之史不  
諱國惡則所諱由仲尼新意非史策旧文也謂之史  
策舊文仲尼因之非也齊殖將死謂其子曰吾得罪  
於君名藏於諸侯之策曰孫林父齊殖出其君夫齊  
殖所謂諸侯之策則諸侯之史也諸侯則齊魯是矣  
史則春秋是矣今驗春秋實不言孫齊出君而云衛  
侯出奔者仲尼改之也復可謂史策諱之乎然則魯  
史實書公弑仲尼改云薨魯史實書孫齊出君仲尼  
故云衛侯出奔矣魯史一官之守而春秋天下之法  
聖人之志此其所以不同也謂諱國惡為史官之事  
是謂董狐非良史也古者非正直之臣亦不為史公  
子鱣邦有道如矢邦無道如矢衛人命為史焉史之  
以職為直又可知矣

夫人姜氏孫子邾杜氏曰哀姜外淫故孫稱姜氏非  
也文姜殺其夫哀姜殺其子罪有輕重故文不得一  
不為分別其內淫與外淫也婦人內夫家而外父母  
以文姜為內淫哀姜為外淫是亂內外之實矣昭公  
娶于吳諱同姓謂之孟子匿其氏也以文姜淫其兄



無孫不稱姜氏是春秋為齊襄公諱同姓也夫弑君  
之賊而援吳孟子之義諱其同姓而已何春秋不知類

而儼人失其倫乎

春秋權衡卷第二



春秋權衡卷第四

左氏第四

僖公

元年正月傳曰不稱即位公出故也非也去年八月  
閔公曹弒僖自公邾入為君至此久矣國內已相定  
不應猶以出奔之故不行即位禮也即位與朝廟相  
較何如朝廟則得即位則不得皆非春秋本意妄釋  
之者也

傳曰公出復入不書諱之也諱國惡禮也杜氏曰掩  
惡揚善義存君親皆當時臣子率意而隱故無淺深  
之準非也傳所云者者似言仲尼作春秋改舊史有所



不書之意也非當時史官以諱為礼也何以知之邪  
按御孫謂莊公曰君**卒**必書書而不法後嗣何觀以  
御孫之說論之君之不法無所不書也既無所不書  
則是諱國惡者非史官之事春秋之意也謂之臣子  
率意為君父諱非也臣之意莫不欲尊其君子之意  
莫不欲美其親如此國史為無有實事皆虛美也謂  
之史可乎故春秋以也魯人記之則為史仲尼修之  
則為經經出於史而史非經也史可以為經而經非  
史也譬如攻石取玉玉之產於石必也而石不可謂  
之玉披沙取金之產於沙必也而沙不可謂之金

魯國之賢史人之記沙之與石也春秋之法仲尼之  
筆金之与玉也金玉必待揀擇追琢而後見秋春亦  
待筆削攻易而後成也謂春秋之文皆舊史所記無  
用仲尼者是謂金玉不待揀擇追琢而得非其類矣  
獲莒擊左氏日非卿也嘉獲之也非也莒擊與鄭詹  
二者何異哉何以必其非卿邪就令非卿但是主將  
亦當書也若非卿又非主將徒一賤者亦何可嘉而  
春秋詭正法書之乎

夫人氏之喪至自齊杜氏日不稱姜闕文非也春秋  
之義以一字為褒貶苟所不通者則謂之闕文春秋



何文不闕也夫人孫于齊不稱姜氏亦闕文邪知不稱姜氏之為貶而不知不稱姜氏之為貶此猶知二五而不知十者也

正月城楚丘杜氏曰不言城衛未遷也非也傳云封衛于楚丘詩序云文公徙居楚丘始建城市而營宮室然則先徙而後築城明矣且詩云定之方中作于楚宮定星之中十月也夏之十月周十二月也今經書正月城楚丘傳曰不書所會後也然則衛人以十月築城而魯以十一月會之後其期也魯雖後其期然衛必先徙而後築城先城而後營宮室故詩人美而後

其得時也營宮室得十月之時則其徙都在十月前明矣徙都在十月前則十一月城楚不立得言未遷也虞師晉師滅下陽杜氏例云用大師曰滅非也滅國曰滅君死其位曰滅非此二者則不可以滅書之別國邑也若滅邑與滅國同稱則滅邑與滅國亦同其罪乎君子之所慎正名而已矣安可亂哉

三年徐人取書杜氏例曰勝國而不用大師亦曰取非也成國重於附庸附庸重於都邑春秋凡記禍亂宜分別此三等之異知其罪有大小輕重深淺者也今顧不然反為不道者記師行難易而已向益於褒



敗哉吾又驗之於事按衛侯滅邢因礼至昆弟殺其  
守臣而取之可謂易矣何以不書取邢公以楚師伐  
齊取穀以魯之衆又加以楚而公親將可謂用大師  
矣何以書不滅邢然則滅取之名不為難易出也可  
知矣

四年許男新臣卒左氏云卒于師非也若實卒于師  
經何以不記邢召陵地屬潁川潁川今許昌郡也許  
昌許國矣明許男有疾歸其國而卒故不得書卒于  
師也其云葬之以侯者似當時臣子欲追美君父故  
引許男方會諸侯而卒私以加等之礼葬之猶漢時

群臣議成帝謚引其欲作明堂群雍以褒之矣其實  
非礼左氏謬以為礼何以言之許男卒于師是則可  
褒今卒于國不足褒也卒于師者言其圖義終身知  
命不惑也已去師而歸其國此則貪生徇私不知命  
人矣与公子遂至黃乃復專恣廢命何異而妄以為  
褒之得礼邪

及江人黃人伐陳杜氏曰受齊命討陳而以与謀為  
文者時齊不行使魯為主非也与謀曰及不与謀曰  
會或實与謀而不曰及或實不与謀而不曰會皆妄  
也又所謂者謀乎奇衰之謀乎謀所侵伐之謀○



乎若竒衰之謀也春秋之中會及多矣不必盡謀竒衰也若謀所侵伐而已凡諸侯之會將有所討在會之國皆與之矣又安有不與者乎故曰妾也

五年晉侯殺其世子申生左氏傳去年未二月太子縊于新城杜云書春從告非也告雖後時猶當舉其實月此則立明所據史書是用夏正記時者夏十二月於周為春本當書于春誤之於冬也

杞伯姬來朝其子杜云朝其子者因有諸侯子得行朝義而卒不成朝禮非也若不成朝何以得書朝邪又諸侯之子雖有攝其君之說殆非謂馭事而朝者

矣乃若周公使伯禽就封而身留周者爾哉者父老傳政其子猶宗子傳家也堯老使舜攝舜老使禹攝之類是乃可再苟厭政事以國與子不可也

晉人執虞公左氏曰晉襲虞滅之而修虞祀且歸其職貢于王故書曰晉人執虞公罪虞且言易也非也虞晉同姓滅之大罪也雖其自欲文飾修祀歸貢不足以掩其大惡春秋曷為聽之邪滅人之國廢王者所封絕先祖祀歸貢者可無譏矣天下

之強誰不暴弱天下之衆誰不暴虜哉此無他左氏本不受經不如其義怪其文理異常因彫琢遷就為



此爾

傳正月月辛亥朔日南至公既視朔遂登觀臺以望而書禮也凡分至啓閉必書雲物為備故也然則舊史蓋記公之書雲物矣傳所言凡是解舊史者也仲尼修春秋而去之以謂常事不足書也以是觀焉常事不書於三傳為通

六年圍新城左氏曰鄭所以不時城也非也齊桓公會諸侯于首止正王太子之位尊王太子而不敢與盟其禮甚恭其義甚高諸侯莫不尋盟獨鄭伯逃歸伐之不為無此名豈強取新然後達其罪哉蓋疑伐

不言圍者橫出此說

諸侯救許左氏云許男降楚子救之實無此事皆妄也何以言之侯諸救許之圍已解何若自尊退降于楚哉此非人情也又是後許男常與諸侯會亦是知其初不降楚也

七年盟于甯母按傳鄭伯使太子華聽盟於會言於齊侯曰洩氏孔氏子人氏三族實達君命君若去之我以鄭為內臣齊侯將許之管仲曰會而列姦何以示後嗣記姦之位君盟替矣君其勿許齊侯辭焉子華由是得罪於鄭尋此諸文則齊侯為用管仲之言



不與子華盟也今審母之盟實有子華與傳異矣是  
何故哉  
八年鄭伯乞盟杜預云服未與會故不序列別言乞  
盟非也若已与盟文自當序若盟畢乃至當言如會  
不當但云乞盟又不見諸侯與之盟也明此乃約之  
耳且左氏亦但云請服不言其來

禘于太廟用致夫人左氏云致哀姜也非也哀姜之死  
以夫人之礼奉之諸侯莫不聞曷為更八年乃致于廟  
哉又曰凡夫人不薨于寢不殯于廟不赴于同不祔  
于嬖則弗致也按哀姜於此四者唯不薨于寢尔其  
餘皆備矣則是凡國君夫人於四者一不備則不致  
于廟也設令夫人歸寧而死亦將致不乎

天王崩前年傳曰惠王崩襄王惠太叔帶之難懼不  
立不發喪而告難于齊今年盟于洮謀王室也然則  
盟于洮之時諸侯已知王崩矣不應練而告諸侯也  
假使當時有難亦不能匿喪彌年况實無難但欲假  
外援者乎然則洮之會本不謀王室也左氏既誤謂  
王以前年閏月崩則遂謂洮之會謀王室也以洮之  
會謀王室見經書王崩在今年十二月則謂襄王定  
位而後發喪矣皆不可信



九年會于葵丘按去年十二月王崩此會寧周公臨之然則七年傳所公告難于齊者矣八年十二月事也八年會于洮謀王室者實今葵丘事也古記不同以故差于云

十年正月晉里克弒其君卓左氏傳云去年十一月里克殺卓子此据夏正十一月即周正月矣采獲兩書誤其前後爾杜云從赴非

及其大夫荀息杜云曰荀息稱名者雖欲復言本無遠謀從君於昏亦非也南容三復白圭孔子以其兄之子妻之徒口誦之爾猶見褒擇况如荀息身踐之

者乎夫復言者信也責其謀遠非也又曰從君於昏若謂息從君殺申生之昏邪殺申生時荀息但傳奚齊爾非執政大臣也息不當生其責若謂息從君立奚齊之昏邪申生已死固無家嗣君明立奚齊是則君矣何以為昏然則荀息之名非敗之也吾既言之矣晉殺其夫大里克杜云稱名罪之按里克弒君不宜與申侯國佐等同例何不若欒盪無知之類稱人以殺之乎大雨雪杜据傳例云平地尺也非也平地尺雪常常耳何足稱大而異之乎

十一年晉殺其大夫丕鄭父按轉去年冬晉殺丕鄭



今經不同者杜云從赴非也傳所據者簡牘所記以  
夏正記時故使春冬錯不自知誤矣乃復以為晉晚  
來告來告雖晚史所書自應正之不容顛倒時月也  
十四年季姬及鄆子遇于防使鄆子來朝左氏曰鄆  
季姬來寧非也按經季姬不繫鄆此未嫁之文也又  
是後季姬歸于鄆始嫁之文也若實未寧何故再  
其書歸乎杞伯姬來亦來寧也何以不書其歸乎  
十五年公孫敖帥師及諸侯之夫救徐按傳例與  
謀曰及不與謀曰及叔孫僑如會晉士燮齊人邾人  
伐邾本實謀曰云蒙盟主之命非匹敵和成之類

不得言及也然則此公孫敖亦受盟主之命應不言  
及者何故獨言及邾

季姬歸于鄆杜云來寧不書此書者明中絕非也去  
年傳云公怒止之止之者豈絕之哉魯人為國諱醜  
雕斲止之之說以救揜其迹仲尼之作經雅例以知  
義因文以盡情繁而不憂亂變而不憂惑者也主人  
習其讀而不知學者原其事而知之此類是也傳既  
不可信注因追其妄皆非也

震夷伯之廟左氏云展氏有隱慝如此則夷為展氏  
之謚非也春秋國史也君前臣名縱不可名之猶當



繫字於氏寧有稱其謚遂舍其族哉經奔伯王不  
繫周者王至尊也又曰吉禘于在公不繫魯者君至  
尊也唯此二者可以爵謚通其餘雖大國必繫謚於  
國別內外也雖貴臣必繫字於氏別尊卑也齊相晉  
文皆繫國原仲高子皆繫氏臣無奉謚於君側者也  
君之謚通於國臣之謚通於家魯非夷伯之國夷伯  
非魯國之君春秋非展氏之私譜仲尼非展氏之家  
臣如欲記夷伯之事應奉其氏而繫字焉不應直著  
謚去族以侵亂至尊之名稱也

戰于韓獲晉侯杜云得大夫曰獲貶侯故不從

臣之例而不言以歸非也獲者獲得之也以歸者非  
獲得之也觀文自了矣以歸何可以獲言之獲何可  
以以歸言之大凡君死其位曰滅生得曰獲大夫生  
死皆曰獲此所以異君臣之詞也不限獲於臣也杜  
氏又云不書敗績晉師大不崩亦非也君將不言師  
師者君重於師也君傷不言師敗績者亦君重於師  
也是獲不言師敗績者亦君重於師也此三者異文  
同義杜氏信其一不信其二亦不知類矣且傳曰三  
敗及韓又曰寇深矣庸非大崩乎

十六年公子季友卒杜云稱字者貴之非也前此公



子友見經者多矣何不悉貴乎春秋褒貶各以其事  
故獲宮拏雖有功猶不稱季子來歸以知權見褒  
其餘無稱字者死獨貴乎若以友賢故當貴之則  
仲遂又何賢矣而貴之乎若以謂時君賢之故史字  
之按公子彊卒隱公曰叔父有憾於寡人寡人不敢  
忘葬之加一等是隱公賢彊也何以不字之乎季文  
子卒大夫入斂公在位宰充家器為葬備無衣帛之  
妾無食粟之馬無藏金玉無重器備君子是以知季  
文子之忠於公室也最賢矣亦何以不字之乎  
十七年夏滅項左氏曰淮之會公有諸侯之事未歸

而取項齊人以為討而止公按此自相伐也去年十  
二月會于淮傳曰城鄭役人病有夜登丘而呼曰齊  
有亂不果城而還則是諸侯之事已畢矣諸侯已歸  
矣滅項在今年夏何故云有諸侯之事未歸乎即此  
傳是彼言不果城而還非也即彼傳是此言有諸侯  
之事未歸非也然則公自會還過項因而擊取之事  
定乃還也春秋諱其惡故滅不言公至不言滅矣  
十八年邢人狄人伐衛杜云狄稱人者史異詞傳無  
義例非也自是傳無義爾何足為史異詞乎  
十九年宋人執滕子嬰齊杜云稱人執者宋以罪及



民告非也宋為道誣人之君以告諸侯而春秋不  
為辨則是春秋同其惡也若苟赴者而書之不擇貞  
偽焉又何以為孔子又曰傳例不以名為義書名及  
不書名皆從赴亦非也自是傳例不以名為義爾何  
是謂書名不名皆從赴乎按穀伯綏來朝鄧侯吾離  
來朝傳曰名賤之也衛侯燬滅邢傳曰同姓故名尋  
此二者傳以亦名為義也記事駁雜是非淆混例不  
能推此傳之大病所以自伐賊莫季其本在不受經  
於仲尼也學者因謂傳不以名為義矣不亦妄乎  
鄆子會盟于邾已酉邾人執鄆子用之左氏曰宋公  
使邾文公用鄆子于次睢之社此太妄也六月會于  
曹南此自一會是時雖有邾人即非邾子今此會盟  
于邾者詳驗經文是邾國自為盟會鄆子生參之因  
見執耳非復會向者曹南之盟也若即會向者曹南  
之盟應但云如會矣未嘗盟何得言會盟邾又宋為  
伯主而使邾子用鄆之君罪乃在宋不在邾也杜氏  
以為不書宋使邾者南面之君善惡自專不得託之  
他命非也季姬鄆子來朝鄆子亦南面之君春秋  
著季姬使之者兩見其惡也今春秋亦云宋公使邾  
人執鄆子用之亦兩見其惡豈不可乎以此推之知



宋公未嘗使邾人執郕子也若實宋公使邾人執郕子者理無不書宋公也若宋公使邾人執郕子而春秋越宋理邾者是為首惡者不誅而脅從者見討也夫邾之於宋可謂脅從矣宋能執人之君而用之其暴強孰甚焉邾微國也不得不畏而從之即有不畏不從者宋猶能用郕之君獨不能用邾之君乎以是觀焉邾乃所謂脅從者坐應輕不

宣

兩依宋受惡也春秋原心定罪豈其若是哉吾固曰宋不使邾用郕子也杜氏又云稱人執者宋以罪及民告吾何者既言之矣

二十一年楚人使宜申來獻捷杜氏云不言宋捷者從可知非也齊侯伐山戎後未獻捷間亦無戰事則曷為不從可知而復云戎捷乎又曰不稱楚子使來不稱君命行禮亦非也若不稱君命則賓主如何為詞楚人者即楚子爾稱使者即君使臣爾若本不稱君命當曰楚宜申來獻捷而已不當復加楚人使也加楚人使為楚宜申來稱君命者乎

傳曰邾人滅須句須句子來奔若然經何以不書邾杜氏曰須句雖別國而削弱不能自通為魯私屬若顯史之比謂之杜稷之臣故滅奔及及其君皆不備



書非也。顓臾雖謂之社稷之臣，然受王命為魯附庸，自不得見經。爾須句非附庸，又傳曰：「矣，司大皞與有濟之祀，以服事諸夏，非魯私屬明矣。」假令為魯私屬，亦不得稱來奔。者皆列國也。今傳稱須句子來奔，是非私屬也。且魯亡，其私屬則自宜救之，又何待成風為之言哉？成風為之言，是又見非魯私屬也。須句非魯私屬，其國滅，其君來奔，經不宜不書也。以經不書，知無有此事也。然則是須句前滅於邾，其國為邑矣，其民不服，故魯人往伐取之，爾無他也。

二十二年公伐邾，取須句。左氏曰：「及其君焉，非也。若誠有之，經何以不書哉？得國而反，其君義事也。齊桓晉文所難也。今而不書，是不將順其美乎？」

乃邾人戰于升陘，杜云：「邾人獲公，胃懸之魚門，故洙耻之，不言師敗績，非也。」如杜所說，苟不洙耻，則不諱敗矣。所以深耻者，以公衺胃危辱切迫也。然則乾時之戰，公衺戎路左右皆止，及獨不耻而書敗績，何哉？衺胃之辱孰與衺路之深，升陘之耻孰與乾時見逼脅之急，是太不然者也。

宋師敗績，按傳宋公傷股，門官殲焉。然則當書宋公敗績不當云宋師也。成十六年楚子敗績，杜云：「楚師



未大崩以楚子傷目而退故曰楚子敗績若是則楚子身敗楚師不敗猶曰楚子敗績今宋公身敗宋師又敗何以但記宋師敗績邪即以謂楚師不敗楚子身敗得言楚子敗績宋師既敗宋公亦敗不得言宋公敗績者按傳例大崩曰敗績楚子雖傷實非大崩大崩者師衆之稱不得施於楚子之身今施於楚子之身者明是乃楚衆敗也且楚師豈非大崩者乎其言曰敗者一大又曰薄於險又曰覆師徒又曰臣之卒實奔微大崩也胡以當之然則宋楚大崩類也宋楚之傷亦類也一言師敗一書君敗不類何也妄謂

君敗師不敗是反於傳而繆於經之言敗績乃大崩也若謂君敗師不敗者是未嘗大崩豈得敗績哉二十五年杞子卒左氏云杞夷也杜云仲尼以文賤之非也仲尼作春秋雖以文褒貶乎猶不擅進退諸侯也諸侯之惡有甚於杞者仲尼無所貶蓋不以匹夫侵天子之事豈若是顯之亂名實哉二十五年衛侯燬滅邢左氏曰同姓也故名非也晉滅虢又滅冀齊滅杞楚滅夔皆同姓也何以皆不名邪公會衛子莒慶盟于洮杜云衛文公既葬成公不稱爵者述父之志降名從未成君故書子以善之非也



諸侯逾年即位即位稱君未即位不稱君此乃常祀  
以年為限不以葬為限若即以葬為限葬畢可以稱  
君何待明年乃改元邪春秋之時禮法放絕見諸侯  
葬畢輒稱君因謂禮矣此衰世習俗之敝何足據邪  
杜所言天子諸侯喪制皆若此非古法也吾向者  
既言之矣

二十六年楚人滅夔杜云夔有不祀之罪故不譏楚  
滅同姓非也夔雖有罪楚亦非得專滅也如此是征  
伐自諸侯出乃可矣且楚乃使人滅夔勢不得比衛  
侯衛侯燬滅邪此親之之文也且夔不祀祝融鬻熊

禮也非所以為罪也衛祖康叔不敢祀后稷魯祖周  
公不敢祀公劉祝融猶后稷鬻熊猶公劉矣寧可復  
責此二國邪

二十七年楚人陳侯蔡侯鄭伯許男圍宋杜云子玉  
也書人者耻不得志以微者告非也傳云楚子及諸  
侯圍宋此則非子玉矣杜又云楚人叙上者主兵故  
亦非也趙盾主兵序諸侯下九云主兵序上者皆謂  
班列同者爾如侯伯与大夫其尊卑不嫌雖伯主之  
卿猶序君下也又按經公會諸侯盟于宋若楚人非  
楚子者應如扈之盟書云公會諸侯大夫乃可矣



二十八年晉侯侵曹晉侯伐衛杜云再舉晉侯者曹  
衛兩來告非也若晉人又自來告者寧可復書晉侯  
侵曹伐衛乎

公子買戍衛不卒戍刺之左氏曰公懼於晉殺子叢  
以說焉然則魯公妄以罪惡誣殺買耳非買之實不  
戍也則春秋曷為遂從其誣辭真以不卒戍罪買哉  
疑買見機設權卒戍事而公貪于楚歡遂以不卒  
戍罪買不復計其有權也按此經殺公子買畢楚人  
乃救衛而傳云楚人救衛不克公乃殺子叢与經相  
背也其言詎可盡信哉

及楚人戰杜云楚子玉取敗告文略故稱人非也赴  
告者豈有常哉或以白為黑曲為直寧可亦不正邪  
又此下有楚殺其大夫得臣此必楚人來告其敗軍  
違命也尚告子玉之罪豈諱子玉之敗乎足知子玉  
稱人非徒赴而已

盟于踐土左氏曰王子虎盟諸侯于王庭今按經無  
王子虎如左氏之說則為天子已在是也諸侯應先  
朝後盟今按盟訖公乃朝于王所用此推之必知盟  
時王未來也若盟時王已來者諸侯豈得先盟後朝  
哉其所言作王宮及王子虎要言之事皆虛也



衛侯鄭自楚復歸于衛左氏曰晉人復歸書復歸  
例為諸侯納之也當曰歸不當曰復歸書復歸是衛  
人復之非晉人也杜云以謂晉人感叔武之賢故復  
衛侯衛侯之復由於叔武故以國逆為文然則蔡季  
自陳歸于蔡田蔡人召之傳有明文何故不曰入而  
從諸侯納之之例書歸也晉人感叔武之賢而復衛  
侯有以異於陳人順蔡人之召而納季乎書蔡季則  
遺其本意書衛侯則探其本情又未必與傳合也傳  
無晉人感叔武之語杜氏何用知之乎然則傳與注  
皆繆亂不足以解經

元咺出奔晉左氏曰叔武聞君至喜捉髮走出前驅  
而而殺之公知其無罪也枕之股而哭之歛大走出  
公使殺之元咺出奔晉非也如傳此言殺叔武者衛  
侯為不知情又以為叔武報殺其讎又親枕之股而  
哭之兄弟之恩篤矣元咺何緣奔晉愬其殺弟乎假  
令咺欲誣其君至其訟也咺當不勝衛侯何故反不  
勝乎假令咺為人矯度強辯足以飾非晉人豈不知  
其辜為叔武殺歟大乎用此推之衛侯真殺叔武者  
也故元咺往愬于晉矣故衛侯與之訟而不勝矣不  
然則咺無義以愬其君就令愬之必無說以勝其君



不亦顯然乎

天王狩于河陽左氏曰晉侯召王一使王狩仲尼曰以臣召君不可以訓故書曰天王狩于河陽吾謂左氏迷惑此說心未能了何者本但晉侯召王自嫌不順故使王狩以匿其罪耳狩不當書今故書者所以起狩為晉侯召也其義已足而左氏既云晉侯使王狩矣又云仲尼為其不可以訓故書狩即矣使王狩非仲尼故書也即矣仲尼書之非使王狩也其言首尾相反由迷惑故也又曰言非其地且明德也亦非也晉文召王亦在尊周其禮雖悖其情甚順仲尼原心定罪故寬其法且亦何德之明然則左氏固暗於王道而非仲尼之徒者邪吾聞仲尼之徒乃耻言伯元咺復歸于衛杜云從國逆例者明衛侯無道於民國人與元咺非也假令國人与元咺矣非也逆從諸侯納之例自足何強變易彼此哉且左氏本設此納入例者非為褒貶也乃以存事實也今更弃事實橫就褒貶誰能知之哉

二十九年春介葛盧來按隱元年傳改葬惠公衛侯來會葬不見公故不書然則此葛盧來亦不見公何以反書邪杜云雖不見公國賓禮之故書也然則當



隱元年衛侯來會葬來不賓禮之邪所謂賓禮之者  
即傳所云饋之芻米者也方衛侯之會葬也魯之臣  
子曾不誰何聽其所為乎如是何謂會葬矣若以此  
推之隱元年之說妄也非實事也會主

會王人晉人宋人齊人陳人蔡人秦人盟于翟泉左  
氏曰公會王子虎卿不書罪之也非也若公不應會  
王大夫為之諱者沒公可矣乃貶王大夫使從人稱  
何哉且是會也必王子虎受王命而盟矣是則非魯  
侯之所能制魯侯能身從之方存乎見褒又曷為諱  
三十年衛殺其大夫元咺及公子瑕左氏云元咺立

公子瑕然則瑕已為君當與衛剽同不當冠公子而  
名之也即以謂國人不與諸侯不助者當與陳佗同  
不當仍冠公子也瑕冠公子此其不君明矣假令元  
咺實立瑕者猶當書云衛殺其公子瑕及其大夫元  
咺元咺以瑕為君瑕以元咺為臣正其君臣則非罪  
惡明矣無為先咺以及瑕者衛剽稱侯陳佗不氏皆  
出左氏義何忽至此而迷亂其說哉

衛侯鄭歸于衛杜氏云魯為之請故獲諸侯納之列  
今按傳文魯但能請免衛侯於獄而周欵治塵逆衛  
侯歸耳遂從諸侯納例與傳不合傳又與其例不合



要之左氏歸入之例蓋不可通其幸而合則說曰例如此其有不合則說曰從某例假令本書衛侯鄭入于衛吾知杜氏必曰周治納之故書入矣苟以是推之則何不可通哉衛侯行復歸于衛事又與此相類彼言復歸此獨言歸了不可知也

公子遂如京師遂如晉杜氏云公既命襄仲聘周又令自周聘晉非也凡言遂者皆大天生事專行耳非素受命者也即以遂為受命之辭者公子結亦為受命行非權事也一以為權一以為權權何哉

三十一年取濟西田左氏曰使臧文仲往非也若實

臧文仲往不應不書注謂仲但請田非聘饗會同故不書亦非也告雜乞師牙葬致女皆書不獨彼曰事書請田非常自應書又叔孫豹鄭世子巫如晉亦書即請田之比也禮曰卿非君命不越竟越竟則書之何限請田獨不書哉明此請田者即去年公子遂非臧文仲也遂既聘周聞晉人頒諸侯之田因便宜聘晉以故得濟西田也魯人憎遂而好臧文仲推遂之美附著臧氏左丘明承虛記之爾不然經無緣不言臧孫辰如晉也又曰分曹地自洮以南東傳于濟若然當謂之取曹田自濟水不得云取濟西田而已



四卜郊不從乃免牲左氏曰非礼也礼不卜常祀而  
卜其牲日按如此說是也所謂不從者即謂日不吉  
耳不吉不敢郊故須免牲也又曰牛卜日田牲牲  
成而卜郊上怠慢也非也繫者即牲之名久矣豈  
必卜日哉且魯人亦必先卜牲日而後卜郊卜郊  
者卜其日吉否也非卜其郊可否也左氏疑魯之卜  
卜郊可否也是以誤之爾

三十三年晉人及姜戎敗秦師于殽杜云晉諱晉喪  
用兵以微者告非也若乱常廢礼而諱可以免則春  
秋褒貶安所施哉又曰晉人角之諸戎掎之不同陳  
故言及亦非也戎子駒支雖為此語正以捕麇為譬  
耳非畢異也地而戰也且凡戰者豈常同陳乎成十六  
年戰于鄆傳曰鄭陣而不整是異也然而經書楚子  
鄭伯不加及以絕也

晉人敗狄于箕左氏曰晉侯敗狄于箕又曰先軫入  
狄師死焉然則敗狄者晉侯先軫也其曰人何邾杜  
氏曰邾缺稱人者未為邾杜之此言据傳有邾缺獲  
白狄子耳按經不言白狄又不言獲狄子也傳既與  
經違注又與傳違經但云狄傳云白狄經但云敗傳  
云獲其君傳謂襄先軫親之法乃引邾缺而已皆



二三不可曉者也  
傳曰葬僖公緩作主非礼也杜氏讀緩字以上為一句作字下為一句非也僖公以十二月薨以明年四月葬凡五月也不得云緩杜氏本欲遷僖公之薨在十一月僖公之薨在十一月則除喪在文二年十一月因以文納幣為十二月文納幣為十二月則與傳合矣而不顧理乖也傳云葬僖公緩作主者緩以下乃當為一句言葬僖公而作主緩即文二年經書作僖公是也今欲屬緩於葬僖公以明僖公為十一月薨獨不顧作主非礼也語無所繫是傳譏葬緩又譏不當作主乎苟欲遂己之說黨其所附不求道真可怪也哉

春秋權衡卷第四





原件短缺

应为卷5



二王不可俱也  
傳曰魯僖公繼位非也  
曰侯子下而一也  
且事九月也  
十一月也  
且因以文  
春秋權衡卷第四

春秋權衡卷第四  
左氏第五  
元年公即位杜氏曰先君未葬而公即位不可曠年  
無君然則稱公者固以年為限不以葬為限審矣何  
獨至於他國則去以葬為限乎  
天王使毛伯來錫公命杜氏云諸侯即位天子賜以  
命圭合瑞為信然則杜氏謂禮然也非也諸侯喪畢  
以士服見於王王乃於廟命之古者五十而命至周  
喪畢則命矣喪未畢而命非禮也  
晉侯伐衛按傳實伐衛者先且居也衛人伐晉按傳

春秋權衡卷第四  
左氏第五  
元年公即位杜氏曰先君未葬而公即位不可曠年  
無君然則稱公者固以年為限不以葬為限審矣何  
獨至於他國則去以葬為限乎  
天王使毛伯來錫公命杜氏云諸侯即位天子賜以  
命圭合瑞為信然則杜氏謂禮然也非也諸侯喪畢  
以士服見於王王乃於廟命之古者五十而命至周  
喪畢則命矣喪未畢而命非禮也  
晉侯伐衛按傳實伐衛者先且居也衛人伐晉按傳



矣伐晉者孔達也杜氏曰先且居而稱晉侯者徒告辭也孔達而稱衛人者敗之也安知衛人非當時之告乎一則云告一則云敗苟便其說而已何經之有公孫款如齊左氏曰始聘焉禮也杜云盟諸侯諒闇則國事皆用吉禮皆非也左氏見時諸侯廢喪而聘故推以為禮杜氏見左氏有禮之言遂推以為當喪而吉皆及經越禮不可以教後世者也此又明丘明不聞道於仲尼矣仲尼不云乎三年之喪自天子達傳曰晉師獲衛孫昭子衛人使告于陳、共公曰更伐之我辭之衛孔達帥師伐晉君子以為古古者越

國而謀非也古者雖越國而謀斯謀者必義事也今陳与衛何謀哉謀畔命侵小者也謀畔命侵小是非右矣何以謂之古

二年及晉處父盟杜云處父不能匡君以禮而親与公盟故敗其族非也既没公如晉又没公於盟諱義備矣復去處父氏反不明豈其然乎晉人宋人陳人鄭人伐秦左氏曰卿不書為穆公故尊秦也非也於經何以知其非微者稱人乎公子遂如齊納弊左氏曰禮也則是以喪娶為禮不亦悖乎杜預遷僖公薨月以就傳說然文公此年大



事於大廟則已自除喪矣彼尚能逆祀何故不能於  
此娶乎明此傳誤無為婦過於終而疑之也  
四年逆婦姜于齊左氏曰卿不行非礼也非也假令  
卿行獨可謂之礼乎  
五年王使榮叔歸舍且賜王使召伯來會葬左氏曰  
礼也非也喪子為君為其母無服不敢貳尊者也妾  
毋稱夫人王不能正而又使公卿會之葬何礼之有  
六年晉殺其大夫陽處父左氏曰侵官也按左氏此  
事始末罪處父獨有稱趙宣子為能耳改蒐易將凡  
出晉侯何以謂處父侵官邪人君任賢不稱必將致

敗苟食祿者奉當諫事况處父晉國大傅邪事有不  
便言之宜矣以此為侵官是教大臣拱默也左氏又  
曰陽子成季子屬也故黨於趙氏此欲致其法必於  
侵官以塗汚處父且凡言黨者謂其陰私比周不以  
正奉者也若奉不失人亦何謂黨乎如處父之奉趙  
有趙盾卒為良大夫其退賈季賈季卒為乱而奔時  
可謂當矣非故有所厚薄也春秋豈忽於此歟之邪  
如使大臣見賢而奉謂之侵官見賢而不奉乃其職  
矣不亦繆乎  
七年公伐邾取須句左氏曰賔文公子焉非也傳公



取須句及其君義事也經不褒今文公取須句以封  
叛臣惡事也經不貶不唯不褒貶而已又略無所見  
豈春秋之實邪

晉人及秦入戰于令狐杜氏曰趙有廢嫡而外求君  
故敗稱人晉諱背先蔑而夜薄秦師以戰告扶如此  
說安知稱晉人者非趙有諱無信而以微告者乎在  
春秋中杜氏所注若此者多矣何獨至此晉人而謂之  
春秋敗乎此乃見事在可以說之域則說之事在不可  
說之域則不說也智足以紹季者矣何解經之有  
公會諸侯晉大夫盟于扈左氏曰公後至故不書所

會非也按經公與盟矣何謂後會乎杜云公後其會  
而及其盟此飾非之言爾會盟同地會所以為盟也  
今及其盟不得云後會且盟重會輕不當稱責其輕  
又已稱公會諸侯矣豈不及其會者乎若實不及其  
會而及其盟者書公及諸侯晉大夫盟乃可耳左氏  
又曰凡會諸侯不書所會後也按十五年會于扈亦  
不序諸侯寧復魯侯後會邪未可以類推也  
徐伐莒杜云不書將帥徐夷告辭略非也傳云徐伐  
莒莒來請盟然則莒來告也且徐不來告則已苟其  
來告若不稱君必當稱將帥豈亦自云徐而已乎杜



氏之意固以謂從赴告而已向者晉人戰于令狐又何以云敗趙盾稱人哉八年公子遂會雒戎盟于暴左氏云珍之也言遂權與戎盟得事之宜故褒稱公子非也若兩稱公子為褒者僖三十年公子遂如京師遂如晉則敗矣彼不謂敗何邪

公孫敖如京師不至而復丙戌奔莒杜云不言出者受命而出自外行按敖以乙酉出以丙戌奔此豈自外行者邪又歸父還自晉至櫟遂奔齊杜云筮在境外故不言出然則在境內者當言出矣敖之奔未能

故妾母繫子為重所謂毋以子貴者也必謂僖公成風二人也者則是毋序子下亂上下之次豈春秋之情邪

十一年叔孫得臣敗狄于鹹傳所為長狄也按經無長字安知其是長哉亦狄也白狄也出戎也義戎也陸渾戎也春秋書之未嘗略何至於長狄而獨不書哉傳又曰鄭驪由是遂亡杜云長狄之種絕按外傳仲尼對吳使者云周為長狄今為大人今即孔子時也孔子之時長狄更為大人大人長狄一意也不得云亡亦不得云絕杜氏云絕據何見哉左氏云亡



則自相反也

十二年邾伯來奔左氏曰邾太子以夫鍾與邾邾來奔公以諸侯逆之故書曰邾伯來奔不書地尊諸侯也皆非也即實邾伯來奔又何以辨哉且魯但以諸侯逆之便謂之邾伯春秋又遂沒其專土叛君之罪反謂之諸侯而尊之則何以稱不登叛人哉意者先邾伯以去卒年太子今即位而不能自安遂出奔此乃真邾伯矣以其即位日淺或謂之太子而左氏則誤以為太子出奔也

子叔姬卒左氏云不言祀絕也書叔姬言非女也此出境曷為不言出乎昭十二年公子愁及邾而奔亦言出也

宋人殺其大夫司馬宋司城來奔左氏云司馬握節以死司城邾者以出公以其官逆之故皆書官非也計司馬握節未如仇牧之手劍司城奉身以退不及苟息之死之而左氏推彼二人為敗申此兩人為賢輕重貿易賞罰昏錯莫甚如此且身居亂兵之中苟棄節偷生則為大罪握節而死大臣之常事耳既無智力以禦亂又欲買節而私逃亦大罪也

節而出自求免罪而已未見可貴之美也魯公庸人不識大



義則妾以其宮適之春秋亦何為珍之邪  
九年毛伯來求金傳云王來葬也杜云雖逾年而未  
葬故不稱王使非也諸侯逾年尚稱公王者逾年不  
宜及不稱王毛伯來求金非王命可知也書顧白曰  
伯相命士須材此則家宰當國之文矣

二月辛丑葬襄王杜云知其葬事禮也悲諸侯為  
天子三年禮無使卿共葬之文使卿共葬周末之凌  
替也非與之正也

秦人未歸僖公成風之襚杜云追贈僖公并及成風  
非也僖公成風者即妾毋繫子而言諸侯無二

事當在成九年而誤置於此陸淳已言之矣

秦伯使繇來聘杜云云術不稱氏史略文非也內大  
夫不氏或以為貶或以為未賜族未賜族者在內猶  
不氏安知此術非未賜族者而以為史文略也若有  
以明術非未賜族者吾聽其說若無以明之直妄說  
爾非矣論也

十四年晉人納捷菑于邾克納左氏云晉趙盾以  
諸侯之師八百乘納捷菑按如傳說經不應但言晉  
人也杜云趙盾雖有服義之善然所興者廣所害者  
衆故貶人又安知非趙盾耻不能納而以微者告乎



甲申公孫敖卒于齊按傳例曰公不與小歛則不書日今敖卒于齊公之不與小歛審矣何為及日邪敖本有罪出奔幸而死得復錄公又矣不與其小歛何足謹詳其日月而書乎

單伯如齊左氏云王使單伯如齊非也若單伯為周大夫何以明年書單伯至自齊乎

十五年宋司馬華孫來盟左氏云宋華耦來盟其官皆從書曰宋司馬華孫貴之也杜云華孫奉使鄰國臨事制宜至魯而後定盟故不稱使皆非也周之禮經諸侯相聘其使介有常數矣不聞其官皆從以為

與也又宋魯無怨華孫無故不待君命而自來以謂臨事制宜則當先有可制之事今此按平無變多從官屬而自尊大者也何云制宜乎以此為貴豈春秋意哉

曹伯來朝左氏曰禮也諸侯五年再相朝以修王命古之制也非也按尚書周官六年五服一朝又六年王乃時巡則諸侯於天子五年一朝矣於天子五年一朝不得於諸侯亦五年一朝也且以春秋時事考之曹小國也魯既當朝朝晉亦當朝宋衛亦當朝楚鄭秦杞陳齊蔡滕又皆當朝朝無已乎其禮安出其制



安在周禮大行人之職曰凡諸侯之邦交歲相問也  
數相聘也世相朝也此為得中焉  
齊人歸公孫敖之喪左氏曰齊人送之非也若實齊  
人送之應曰齊人來歸矣杜云大夫喪還不書書者  
善魯感子以散父亦非也若如杜言但書公孫敖之  
喪至自齊以善魯可耳今書齊人歸公孫敖之喪豈  
善魯者乎

諸侯盟于扈傳曰無能為也又曰凡諸侯會公不與  
不書諱君惡也予謂若諱而不書與貶而不書同則  
二者相亂不復可辨矣

十六年公四不視壘杜云十二公以疾不視朔非一  
也義無所取故特舉此以表行事因明公之實有疾  
非詐齊非也若史欲為公解紛於齊而書此乃可云  
爾已矣今史雖書公不視朔齊侯未之曾見則其書  
之無以異於不書之齊侯唯不信公故不肯盟今魯  
史雖書公不視朔齊侯亦未肯信也縱史書之欲以  
取信齊侯為可仲尼亦何為之乎  
宋人弑其君杵臼左氏曰宋昭公無道國人奉公子  
鮑因襄夫人殺之如傳所說則公子鮑為不臣襄夫  
人為不母而宋公未有無道之實也且公子鮑欲盜



其國而先施於民襄夫人欲通於鮑而遂殺其君春秋宜推公子鮑使首惡不得輕此兩人之罪及專惡宋公也傳曰君雖不君不可不臣於此何獨異哉晉靈公楚靈王皆極惡而貪殘然其弑也春秋明書趙盾公子比之名何者看此皆賢之宜責之備以謂賢而弑君則開篡亂之門也今鮑私為惠以結民情偽為禮以事公卿如此而弑其君春秋忽其罪則亂臣賊子無懼而勸矣

十七年晉人衛人陳人鄭人伐宋左氏曰卿不書其所以也按襄二十五年齊崔杼弑其君光公會晉侯

宋公衛侯鄭伯曹伯莒子邾子滕子薛子杞伯小邾子于夷儀以伐齊齊人賂晉二師遂解杜云不譏晉受賂者齊有喪師自宜退也與此相及矣夫宋齊俱弑君而一以不伐喪雖受賂猶免於譏一以不伐喪雖不受賂不免於貶是受賂者賢乎何其類哉

葬我小君聲姜傳云有齊難是以緩今按聲姜薨後乃無齊難聲姜既葬而有齊師耳且何用為若解十八年子卒杜云先君既葬不稱君者魯人諱弑以未成君書之非也假令不諱遂書公薨乎一年不二君之義何所施此乃明稱君者之不以葬為限果矣



莒弑其君庶其左氏云莒天子僕因國人弑之如傳所言則子弑其父也父雖無道子可弑乎子之弑父可匿其罪乎宣公賴僕之賂則欲授之邑而寵之春秋亦豈賴僕之賂哉曷為蔽其惡名曾謂仲尼不如季孫行父乎其以君無道書真譏也

宣公

元年公子遂如齊逆女三月遂以夫人婦姜至自齊左氏曰遂不稱族尊夫人也人也非也此所謂一事而再見名名其君之使臣固有族不稱族史之書之所謂實錄也非尊君命夫人之謂也且必若云公子結

滕陳人之婦遂及齊侯宋公盟此權事而非受命者也非受命何以亦稱族邦豈尊以為君命哉豹婦意如其往也氏其至也皆不氏無有夫人居間也何以亦舍族邦豈尊以敵夫人哉杜去不稱姜氏史闕文亦非也寧知莊元年不稱姜氏非闕文者乎以莊元年推之寧知闕文非仲尼意乎

二年趙盾弑其君夷臯左氏叙孔子之言曰惜也越竟乃免非也君臣之際當以義為斷使盾遂去晉國雖未越竟不能討賊非其責也今有還為大夫雖已越竟苟不能討賊此則罪矣然則有之免与不免在



乎討與不討而不在越與不越也杜云越竟則君臣  
義絕可以不討賊如杜此言於左氏之說未能自合  
例也哀八年公山不狃曰君子遠不適讎國未臣而  
有伐之奔命焉死之可也安在越竟則君臣之義絕  
乎吾以謂此非仲尼之言

七年公會齊侯伐萊左氏曰凡師出與謀曰及不與  
謀曰會非也古者行師初無奇術秘策以詔人者也  
諸侯相率而討罪伐畔則是與謀已焉有連兵合衆  
人若親將而曰不與謀者哉且用左氏考之凡先謀  
而後伐者稱會多矣不必云及也此其自相反者吾

既言之矣

八年仲遂卒于垂杜云稱字時君所嘉非也春秋之  
作褒貶出於仲尼故曰其義則立竊取之未有窺時  
君之意以為上下也如春秋之作褒貶無所在苟唯  
時君所悅而已矣人何以為仲尼

九年取根牟左氏曰言易也非也根牟雖小不以兵  
革不能取也能取其國何謂易乎不分別國邑取滅  
之名而苟記其難易而已豈春秋意哉

十年崔氏出奔衛左氏云書曰崔氏非其罪也且告  
以族不以名非也齊雖告以族春秋固當正之若曰



崔杼無罪又舉族出奔故春秋因舊史而書之則栾  
盈亦無罪亦奉族出奔何以不曰栾氏出奔邪且春  
秋所記大事而已故使舉上人戰奉元帥雖有衆大  
夫不與焉者略所微也今何為區區崔氏之族邪  
天王使王季子來聘杜云季子字也非也審季子為  
王之母弟字季子者宜若叔服稱季子而已即欲分  
別其為王母弟者宜冠弟於字不當冠王也王者尊  
稱非所以冠大夫之字也冠大夫者稱王子王孫以  
屬為重不以王為貴去屬而著王是季子王也妨於  
文而害於實不可為教矣

十一年晉侯會秋千攢函杜云晉侯往會之故以狄  
為主非也文不可得言晉侯狄會于攢函故云會狄  
耳譬言如曰公會戎于潛尚何可疑哉而以謂使狄為  
主也即以此為使狄為主者公會戎于潛亦使戎為  
主乎

十二年晉荀林父帥師及楚子戰于邲晉師敗績按  
經文晉楚為成列而戰者也左氏以謂晉人自使  
輓車逆趙旃而楚人疑以為晉師且至遂車馳卒奔  
而乘晉軍晉中軍栢子不知所為士爭渡河而遂大  
敗而若此則晉軍未嘗成列何以得書戰邪杜云繼



云晉上軍成陳故得書戰按傳文所叙無上軍成陳之事惟云使帥七覆於敖前又云晉師右移上軍未動是則上軍添溝高壘備不虞耳蓋未嘗出陳也且經云荀林父及楚子戰若緣上軍不動故得稱戰則經又不應指言荀林父也荀林父實不戰隨會自戰戰之事當舉隨會不當舉荀林父也今經稱荀林父及楚子戰若林父之師初不成陳何得書戰乎又長勺之役齊魯成列唯以魯侯鼓之差後左氏謂春秋惡其譎不以偏戰為文今此楚師乃出不意以乘晉師其譎甚矣及謂之戰何邪

晉人宋人衛人曹人同盟于清丘左氏曰卿不書不實其言也予謂春秋之世不實其言者衆矣奚獨此邪設本微者又何以辨之且華椒無惡不宜被貶杜氏云華椒承辟偽之言以誤其國故亦不免於譏予以謂凡盟誓者所以結信也寧能早知彼恃背之乎背盟者自當貶爾守盟者亦何貶乎

十三年楚子伐宋左氏曰清丘之盟唯宋可以免焉然則十二年下當貶華椒稱久也以謂不實其言又曰唯宋可以免自相伐矣

十五年宋人及楚人平杜氏曰平者惣言二國和故



不書其人非也凡平者率國而已公及齊侯平莒及  
鄭又曰暨齊平又曰及鄭平無稱人者今此獨稱人  
之書其人矣固當辨書其人之意不得反謂之不書  
其人也若平莒及鄭暨齊平及鄭平此三者乃可云  
不書其人耳

蠲生左氏云幸之也杜云幸其冬生不為物害若然  
則有蜚不為災亦何不幸而書之乎且經之書之固  
為其害也而傳以為不害所以為害者因為其生也  
而注以為死矣是其戾也

十七年公弟叔肱葬傳曰凡太子之母弟公在曰公

子不在曰弟如傳此言者是謂母弟稱弟也母弟稱  
弟公子友如陳不稱弟何邪

成公

元年作丘甲杜云長轂一乘戎馬四匹牛十二頭甲  
士三人步卒七十二人此甸所賦而魯今使丘出之  
予謂丘者十六井爾甸乃六十四井使丘供甸賦是  
加四倍之歟魯亦必不為也且經當云丘乘不當云  
丘甲

二年季孫行父臧孫許叔孫僑如公孫嬰齊會晉郤  
克衛孫良夫曹公子首及齊侯戰于鞌杜云曾乞師



於晉而不以與謀之例者從盟主之令上行於下非  
匹敵和成之類非也魯雖從伯主之命其實與謀矣  
且本殊會及者非為褒貶正為與謀不與謀耳今真  
與謀者又以不與謀書之誰能辨之哉宋公使邾人  
用鄆子左氏以謂南面之君善惡自專故不貶宋公  
也晉雖盟主然魯亦其等齊耳以與謀書之尚何不  
宜而必推而遠之手臧孫辰如楚乞師此內接外之  
辭也晉欲錡來乞師此外接內之辭也聖人作春秋  
無不輕外而重內至於乞師則內外同之者以兵為  
重也伯主之尊猶以乞師為文則其記師行與謀曰

及何足多嫌哉

六年五武宮左氏曰聽於人以救其難不可以立武  
立武田已非由人也然則立明以武宮為武君矣杜  
氏知其繆妄因護曰既立武軍又作先君武公之宮  
然傳無先君武公之語要之二說者皆非是左氏欲  
解經誤以武宮為武君杜氏欲解傳遂取武軍為武  
宮此難以通者也

傳曰晉遷于新田又曰季孫如晉賀遷然則晉之遷  
也必告于魯二則往賀矣使晉不告魯安得而賀  
之今晉告遷而經不書何邪衛遷于帝丘蔡遷于州



來魯無賀者猶書于策晉爲盟主魯所服事遷國而  
賀何以不書也意者晉實無遷事乎

八年宋公便公孫壽來納幣左氏曰札也予謂若誠  
札者常事耳春秋何書乎

晉殺其大夫趙盾趙括左氏曰趙莊姬譖之杜云原  
屏咎之徒明本不以德明自居且其見討予謂春秋  
聖人所作也褒貶進退不宜不明浸潤之譖膏受之  
愆不行焉乃所謂明矣今二子者旣已罹於讒後之  
口而春秋又不察焉苟繼莊姬之賊橫被原屏之咎  
詩云取彼譖人投畀豺虎曷其然哉

天子使召伯來賜公命杜云諸侯即位天子賜之命  
圭八年乃來緩也非也諸侯喪畢以士服見王乃受  
命於廟耳不親受命諸侯之汰也賜以命圭天子之  
弱也即欲責其緩者當責諸侯之不往不當責王賜  
之晚來也且此又非錫命按桓公之公皆稱天王錫  
命唯此言天子又言錫聖人以一字爲褒貶者也  
其必異物矣不原其異而以謂通耳若是其汰哉我  
則不敢

衛人來媵左氏曰凡諸侯嫁女同姓媵之異姓則否  
非也諸侯三歸歸各一族自同姓耳若羸曹嬀嬀弋



之君嫁女者必同姓勝之則諸侯之勝或不能備矣  
天子之妃百二十又可一姓乎

九年二月伯姬歸于宋杜云宋不使卿逆非禮也非  
也凡春秋諸侯逆女而不書者君自逆也君自逆則  
常常則不書矣王姬歸乎齊侯來而不見于經  
是其明驗也豈以卿逆為礼乎

十年公會晉侯齊侯宋公衛侯曹伯伐鄭左氏曰晉  
侯有疾立太子州蒲以為君而會諸侯予謂今按經  
但言晉侯也無以明其是州蒲若欲貶晉書其名乃  
明耳此大事也仲尼豈忘之哉

傳曰鄭伯討立君者殺叔申叔禽君子曰忠為令德  
非其人猶不可况不令乎予謂君子之言陋矣叔申  
豈能忠者哉君執而立其子及使晉人得言其隙以  
殘其國為叔申謀者不若謹脩守備而和其人民以  
義讓晉使曲在彼諸侯之好我者莫不動心則君必  
歸矣若是奚有殺之禍歟

十一年晉侯使郤犇來聘己丑及郤犇盟左氏曰欲  
犇來聘且涖盟季孫行父如晉左氏曰報聘正涖盟  
然經何以不云涖盟邪杜云郤犇文子交盟晉魯  
之君其意一也故但書來盟舉重略輕不知聘禮重



邦盟禮重邦若聘禮重盟禮輕略盟可也向者卻犇  
之盟又何故不略乎若盟禮重聘禮輕是不得略盟  
矣若盟與聘均重書如晉蒞盟豈不明白哉  
十二年公會晉侯衛侯于瑣澤左氏曰宋華元克合  
晉楚之成鄭伯于晉聽成會于瑣澤成故也然則瑣  
澤之會本以合楚鄭也今楚鄭不至魯衛是盟何邦  
且何晉楚者宋也宋亦不與又何邦凡晉楚為乎則  
應大合諸侯以申成好今三國會而已又何邦然則  
傳之言未足信也  
十三年公自京師遂會晉侯伐春左氏有劉康公成  
肅公而經不書又云戰于麻隧秦師敗績而經不說  
然則皆虛也

春秋權衡卷第五











